



牧齋先生初學集序

歲癸未冬海虞瞿稼軒刻其師牧齋先生初學
集一百卷既成先是先生再寓書於余寄示近
所著嚮言及高陽行狀屬余序其文甚切而余
方退讓未遑蓋先生身雖退處其文章爲海內
所推服崇尚翕然如泰山北斗雖鷄林蛋戶有
能知愛之者顧欲俾鄉里窮僻衰老之夫嗷然
弁其首有不譁而笑其妄且誕乎此余之所為
不敢也古人有言文章千古事得失寸心知先
生之文惟先生自知之又曰人之相知貴相知

心以余相從之久相得之深而先生虛已下問
晨夕不厭凡一詩之成一文之構無不哆口抵
掌祛形骸忘嫌忌所謂以仁心說以公心辨以
虛心聽當其上下千古直舉李杜而下三唐諸
名家傑作一一矢口品隲商榷論次之而今廼
曰不敢序先生之文又不呀然相視而失笑者
乎蓋余識先生于未第時一見而莫逆于心且
三十年矣始同養疴于拂水辛酉先生泚闈反
命相會于京師時方在史局分撰神廟實錄
兼典制誥杜門注籍不泛為詩文及再出而巨

璫專恣正人摧陷先生且削籍歸矣戊辰今
上登極召起田間方且柄用而僉倖力齟齬之
旋復放歸遂招余耦耕湖山之間若將終身焉
者已而橫被誣奏權奸下石身禁囹圄命如懸
髮而先生嗜學益力覃思逾深嘉定施孟翔除
武昌推官歸語余云曾兩候見獄中憫其圜戶
湫隘暑雨跼蹐殆非人所居而先生朝吟夕諷
探贖洞微孜孜不厭一如平日方與其徒瞿生
友人劉敬仲談藝和詩余時心甚危之恐為讒
夫媒孽以為謗訕先生聞之初不以余為過慮

也凡自天啟甲子削籍出都門及今上召對
免歸各有七言律詩二三十篇頌繫雜詩多至
數百首其所遭罹禍患愈迫切而其文章光燄
愈昌大宏肆竒怪險絕變幻愈不可測又且怨
而不懟憂而不懼得風人諷諭之致而不失溫
柔忠厚之意自非具大根有定識真能信前因
通宿命何繇捐人我遺得喪怛然浩然一至是
哉余觀先生早荷神廟登進在承明著作之
廷回翔禁林親侍熹廟講幄雖其屏棄明時
未獲大用今上臨軒側席每為再三嘆咨其

文章不可不謂顯達矣晚而以其忠猷嘉謀無
由入告左右著為嚮言三十首以垂于後不惟
其愛君之深憂國之切隱然溢于言表而救時
匡世之畧亦已見其一斑藉令不遭齟齬不罹
謗讟日畫詔于密勿之地視師于戎馬之間何
以老而能學窮而益工使文章必傳無疑若今
日哉昔白香山不序元微之集而悉見于所寄
通州論文書以余衰病不復能東下就見終老
聊叙平昔以當一夕之談而已不可謂序也
冬月長至後新安布衣友人程嘉燧述于松圓

山居

吳郡門人徐增敬書



錢受之先生集序

愚聞諸鬻子之言曰聖人將動必有愚也又云君子有奇志而天下不親焉顧予與海虞先生未之親暱也觀面之何曾而矣
 志之不二其所親更有甚于此者噫亦稱奇矣答之君子先憂而後樂今之君子先樂而後憂夫憂樂無常亦惟其世耳處今之世憂人之憂曰甚于一日不得不以答之無憂者為足樂也
 周元公曰學者須尋顏子樂趣夫顏氏之樂豈不在于箠瓢陋巷哉至于為邦之問則吾夫子以四代之禮樂制度相與傳授非羣弟子所敢望也而末復請二以放鄭聲遠佞人為致嚴乃今之世則為淫靡之習傾危之人者比二矣顏子平生之經濟

在于畏匡子在回何敢死之一言雖聖人無死地但不知當時
夫子何以過宋而宋人不知顏回何以在後而不死子與氏曰
禹稷顏回同道似又以民溺民飢之憂與葷瓢陋巷之樂其致
一也故曰憂樂無常論其死而已予與海虞先生之閱世亦屢
更矣當其可樂者二憂者存焉當其可憂則已亦難于獨樂矣
樂行憂違君子未嘗以隱居為樂也確乎其不可拔予與先生
當其勉之庶天下後世知吾受之二詩與文如嚴君平不作苟
見而已若謂動之必固靜之若謂曉之必固愚之則又非予與
受之非奔意子持世者也惟無心于世者不立數又烏足以局
之者哉時崇禎甲申中蘇節及弟曹學佺始識 伍柳書

讀牧翁集七則

錢牧翁集成以余能讀其文索余叙之每吮毫
和墨神氣輒索因思蘇黃同世山谷終身服膺
坡老之文然未嘗為叙其見於題跋者往往有
之余亦竊附於此為題數則以告世能讀牧老
之文者

流俗之文每變愈下良以志趣凡近了無拔俗
之韵不思力與古人作敵耳間以私智舞文古
法益復蕩然故世所競尚之文余鮮有讀至終
篇者蓋繩以我法至十數行未有不敗矣獨至

虞山文見輒神思清發宿累都捐久而酣暢益
深懷古之思歐陽率更見索靖碑寢臥其下三
宿不能去此解故須且莫遇之未易與近人道
也

文之有法如松直棘曲鵠白鳥玄眼橫鼻豎夫
苟因其固然天地萬物俱為妙道之行也然嬰
兒自旋見屋廬轉以正告之爾自眩鷲屋實不
轉彼必不信蓋未能立於不傾之地耳近時惟
虞山文尺寸必謹於成法至委折奇致不煩繩
削而自合如駭雞枕四面視之皆正豈若院體

書以無復增損為法耶

桓宣武入蜀有老吏曾供事武侯者宣武詢之
云諸葛公定以何為長吏對以未見其長但每
事停當耳近人詩文間亦有長處恨苦不停當
故不能欺余老吏也余所服牧齋詩文特以其
停當耳

錢牧老語余言每詩文成舉以示柳夫人當得
意處夫人輒凝睇注視賞味終日其于寸心得
失之際銖兩不失毫髮余嘗以李易安同趙德
甫每飯罷坐歸來堂烹茶指堆積書史言某事

在某書某卷第幾葉第幾行以中否勝負為飲
茶先後中則舉栝大笑或至茶覆懷中不得飲
而起每思閨閣之內安得有此快友而夫人文
心慧目妙有識鑒似此易安猶當讓出一頭地
惟朝雲謂子瞻一肚皮不合時宜此語真為知
已然則公與柳夫人故當相視而笑也

悲傷忠憤之志盤屈糾纏而無以自遂其於政
事之得失邪正之消長不以一身禍福易其憂
國之思含悲負痛殷然而無以自解故奮筆於
楮端鋒鋷芒豎感慨淋漓刺人於眉睫之間而
休人於志氣之微一篇亦見數行亦見如獅子
殺物若大若小一付以不欺之力以此知文須
有為而作若其無謂可以不作也

歐公云花之絕為牡丹然而不實果之絕為荔
枝然而非名花雖然二物者惟不兼物之美故
能各極其精晁無咎以為詩文難兼亦自如此
余固未以為然余讀牧翁文體氣高妙以為至
矣而詩波瀾老成亦極其妙庖丁奏刃衆虛合
於桑林之舞以無厚而入有間故可通之養生
也

西昌蕭士瑋書

牧齋初學集目錄上
第一卷 還朝詩集上
神宗顯皇帝挽詞四首
泰昌皇帝挽詞四首
歸女詞四首
渡江二首
清流關和尹員外
滁陽王廟
彭城次坡韻四首
滕縣寄長蘅
寄陸大參
題褚家堡公館
滁州懷李長蘅
臨淮田舍題壁
徐州雜題五首
鄒縣謁孟廟

牧齋初學集目錄上

第一卷 還朝詩集上

神宗顯皇帝挽詞四首

泰昌皇帝挽詞四首

歸女詞四首

渡江二首

清流關和尹員外

滁陽王廟

彭城次坡韻四首

滕縣寄長蘅



大風發穀城山
發荏平

河閒柳二首
刁酒二首

和范致能燕山道中絕句八首

白溝河 范陽驛 琉璃河 灰洞 會同館 良鄉 盧溝 蹋鷓巾

附錄舊詩

送福清公八首
繡斧西巡歌四首

許墅寄董崇相四首

疊韻答季穆四首
再疊韻四首

第二卷 還朝詩集下

入朝呈同館
送宣大董侍郎二首

送劉編修頒詔朝鮮十首

昌平州
陪祀定陵二首

恭謁長陵
西山道中二首

碧雲寺
香山寺二首

經筵記事十首
寄東江毛總戎

過易水
宿汶上

渡淮寄里中游好四首

北上懷吳中故人六首

王孟夙 李長蘅 王淑士 文文起 周景文 鄭謙止

寄嚴太守二首
書徐州官舫二絕句

河決彭城方議改築賦詩一章

驛壁代書 次陶路叔韻

雨中過清流關 夜過磨盤嶺

王師二十四韻 趙滕縣祠堂

新嘉驛和袁小修題會稽女子詩三首

初祖折蘆圖

第三卷 歸田詩集上

乙丑五月削籍南還十首

哭何季穆九百二十字

答徐大謝餉參 贈星士

答李貫之

投老

惆悵詞三首

蛺蝶詞四首

小至夜泥飲

寇白

程將軍挽詞

瞿五丈挽詞四首

王川子歌

休休歌示漢月

蠟梅六首

饋魚二首

寒夜聞姬人語

丙寅除夕

第四卷 歸田詩集下

丁卯元日

元日自和前韻

書石屋語錄

元夜點燈小飲

雨中邀諸人看燈

次韻徐于有憶

徐于原倡

附見

再和前韻

柳絮詞六首

次韻徐于故妓二首

題畫寄王侍御五言十韻二首

雀羅

蝶夢

寄張吏部四十韻

苦雨歎

雨不止二首

張季挽詞

邵叟

謝于潤甫送酒

酒垂盡而孟陽至

報顧秀才索飲

與秀才飲酒

以頂骨飲器勸酒

短歌答韓孟郁

次韻答文啓美二首

代鶴答

贈竹深堂鶴

徐于詩附見

和徐于悼松二首

孟陽載酒勸飲

答孟陽慰失子

亡兒後塋所築月臺

登茅山三首

為亡兒設醮

茅山懷古六首

謝于昭遠寄茶

丁卯孟秋聞享太廟作

八月十四夜

十五夜

十七夜

答徐于見懷

續彭仙翁登高詩

九日答徐于

謝徐二餉餠蟹

聞大行皇帝遺詔二首

聞登極恩詔有述二首

答徐于聞詔二首

羣狐行

第五卷 崇禎詩集一

元日立春

夜步虎丘橋

冒雨游玄墓

折梅

卷一

四

舟師歎

繇橫山抵光福

阻雨光福

紅梅

看梅登茶山歷銅井

歸舟即事四首

衆香庵

虎丘秋月圖

得鶴二首

和花朝

花朝排韻二首

春雲

春晴

雪裏桃花

寒食集津逮軒

看徐于別妓二首

悼鶴二首

依韻徐于喜見

仙山樓閣圖

春雨

春雲

仲雪折梨花見贈

飲海棠下

代徐于贈伎

復官誥贈內二首

復官誥贈內二首

三月三日十二韻 送張老

第六卷 崇禎詩集二

戊辰應召十首 見方孩未題壁

十一月初十日召對感恩述事二十首

壽房海客十四韻 次韻示張藐姑

豐韻貌姑送酒 戊辰除夕

第七卷 崇禎詩集三

贈書 贈硯

代書硯答 答書硯

飲酒七首 三疊韻送稼軒

立春 覓春

春風 送郭中書

鸚鵡 鵲巢行

題畫竹二首 寒食

寒食後一首 無花

贈郭太保 送于鏘

左耳病 冷飲

酬督師袁公二首 贈林將軍

送劉起 追和朽庵十咏

附朽庵詩七首 得許同生書

淮屋

露筋廟

寄顧所建

第九卷

崇禎詩集五

寄南都諸公四首

反東坡洗兒詩

別宋比玉六絕句

答比玉留別六首

再送比玉六首

次韻何慈公四首

野老

讀史四首

憨大師入塔四首

知微長老

沈老

拂水築臺歌

坎朱子暇韻三首

干將行

張五

睢陽五老圖次韻

八月十二夜

十三夜

十四夜

十五夜不見月

十七日即事

次韻答李茂初三首

眼鏡篇送張異度

紅葉

寶嚴灣楓林

登南巖抵破山即事

題長蘅畫

冬夜觀劇歌

徐于挽詞二首

贈汪景謨二首

除夕次孟陽韻

辛未元日

新歲次韻二首

人日次韻

言樹堂詩

感秋二首

送侯主事入賀

讀汪三詩

戲題鍾伯敬茶訊詩

星士生子

送人之廣東

王德操小像四首

辛未除夕

第十卷 崇禎詩集六

壬申元日

人日寄張藐姑

卜肆行

汪烈婦歌

寄答孫功甫

仲夏觀劇四首

負郭

得萊城解圍報

贈萬尊師

石田翁畫奚川八景圖歌二首

東臯種菊詩四首

送座主王文肅公子淑朴歸秦一百韻

壬申除夕十四韻 癸酉元日

乙亥中秋祥琴次韻四首

閒坐 北客

仙壇唱和詩十首

答白叔德操

送陸孟鳧

答越卓凡

陸宣公墓道行

張明府小像四首

贈翁朔州二首

送華山道者四首

陳氏壽燕四首

游虎丘諸山四首

上茂苑相公二首

寄謝曹能始

次劉漁仲韻二首

葛將軍歌

張老二首

贈王二溪方伯二首

贈倪太公十四韻

識字行

第十一卷

桑林詩集

清江浦遙寄

漂母祠

黃河

俳體示士龍

答士龍二首

清河三首

宿遷

郟城二首

示士龍

費縣三首

泉林

泗水二首

早發二首

登岱五十韻

春盡日

遣問盧德水

齊河懷古四首

耿濟鎮

晏城

高唐城

德水送芍藥

禹城道上

次韻德水見贈

東壁樓懷德水

張太守送酒

德水贈詩

附見

張太公壽讌詩

代贈十六韻

柳枝十首

荷花辭十首

別王鹿年

贈程魯瞻

題畫二首

美人調鸚鵡圖

山陰返棹圖

欲別東樓去四首

雄縣次稼軒韻二首

第十二卷 霖雨詩集

姚方伯復官

洮河石硯歌

送丘俞二將軍

贈鄭仰田高士

獄中雜詩三十首

送馬巽倩

杏花宮人圖

題畫二首

牧馬圖
射虎圖

李將軍挽詞二首

咏雪三十韻

贈孫道人

次韻劉敬仲六首

再次十二首

續次四首

生日詩三首

孫吏部
劉司空

倪戶部

送何士龍南歸一百韻

梁生寫真二絕句

趙璧

送陳崑良

寄許文玉

寄侯豫瞻提學

郭胤伯過訪

五芳井歌

張將軍挽詞二首

萬戶部小像

若活一百年

如此過兩年

昔我年十七

答潘朗士二首

新阡八景詩 有序

拂水回龍
箭闕朝宗
團桂天香

湖田舞鶴
杏石參天
紫藤衣錦

石城開障
會湖浴日

山莊八景詩 有序

錦峯晴曉
秋原耦耕
梅圃谿堂

香山晚翠
水閣雲嵐
酒樓花信

春流觀瀑
月隄煙柳

歲暮懷孟陽

除夕示楊之易

第十三卷

試拈詩集上

元日讀史記六首

華山廟碑歌

松談閣印史歌

人日

次吳德輿韻六首

何處生春早二十首

書四靈詩

書梅花集句

讀漢書寄陳侍郎

題王孟端畫

上元後二首

送傅給事

送劉宮論

端哥

反風行

送僧游峩眉

過應侍御小飲

贈胡泌水

送路侍御二首

題杏花邨圖

夢與長蘅談詩

徐孃歌

寄侯繕部

題大鳥圖

送南臺侍御二首

平臺行

次韻答項宮諭

玉堂雙燕行

姬太僕墓道歌

送楊侍御二首

送任侍御二首

王郎行

題劉宮諭畫三首

春山觀瀑

秋山讀書

墨梅

次韻答王芥庵

文啓美人直二首

登封行

第十四卷

試拈詩集下

中秋餞馮爾賡使君八首

題張于度屋壁

謁高陽少師公於里第感舊述懷十首

王師二首

苦憶東樓上四首

贈別謝太宰

汶上道中

曲阜道中二首

恭謁孔林先聖廟一百韻

濟上逢項仲展

淮上舟中

家人拏舟相迎

廣陵二首

硯山詩

送蕭季公歸秦和

次韻于惠生二首

除夕偕孟陽守歲

第十五卷 丙舍詩集上

已卯元日次韻

簡蕭伯玉

東鄰

喜季公却迴

豐前韻有寄

題滄桑對奕圖

歸來泉歌

徐興公過訪

示張元祐

曲江歌十絕句

寄張御史二首

送別蕭伯玉十首

羽林僧

春夜

上巳日

寒食山行

上冢

呈陽羨相公四首

寄范司馬二首

四月初六日送春

拂水競渡曲十首

顧侍郎過訪

二哀詩

劉敬仲傳右君

次韻無題二首

荷葉鼎詩

中秋五首

重題斷句八首

聽青琴理絃子

瑤臺歌

寄郭胤伯

長筵歌

于廣文挽詞

送黃子羽二首

陳眉公挽詞

歲暮雜懷八首

除夕

第十六卷 丙舍詩集下

庚辰元日次韻

次韻答曹能始二首

觀美人手跡七首

題長蘅畫冊

小築詩十章

和徐二遣歌兒二首

寄李次公

迎春曲

雪中楊伯祥過訪

寄尹子求二首

寄尹西有

題女郎畫二首

送會霖寰二首

送張玉筍中丞四首

送林自名二首

春夜聽歌十首

乞蘭詩

黃牡丹四首

次韻茅孝若五首

有容

第十七卷 移居詩集

移居八首

雜憶詩十首

夜汎西湖

得盧德水書却寄

寄德水

孫光甫再守泉州

答陳先輩二首

哭魏叔子二首

鄭節母詩四首

茅止生挽詞十首

次韻七夕二首

題畫寄香山

與姚叔祥論詩戲題十六首

中秋大雨 永遇樂

次韻三首

九日宴集 二首

短歌送林銓

次黃石齋見懷四首

嘉禾舟中二首

宿鴛湖

吊李玄白

題南湖勺園

第十八卷 東山詩集一

半野堂答河東君見贈

初贈詩 附見

孟陽次韻 附見

冬日泛舟有贈

壘韻再贈

次韻奉答 以後詩

茲附見

孟陽次韻 附見

寒夕文讌壘韻

孟陽次韻惜別 附見

冬至日感述示孫愛

迎春日泛舟

和春日詩

春日我聞室作

除夕山莊探梅

庚辰守歲 數家

次韻

辛巳元日 書外

次韻

新正過山莊

元夜虎丘西溪

次韻

次韻示河東

有美一百韻

鴛湖送牧翁之新安

栖水訪卓去病

夜集胡休復故第安

西溪看綠萼梅

題仲芳畫冊

西溪鄭庵

看梅贈吳仁和

橫山江氏書樓

春分日橫山晚歸

題江道闇蝶庵

望天目山

簡方昌化

和陌上花三首

奉和三首

響雪閣

登齊雲巖四首

抵天門宿榔梅庵

謁玄天太素宮

第十九卷 東山詩集二

發灤口徑楊干抵祥符寺

浴湯池留題四絕

奉和四首

宿桃源庵作短歌

夜雨

雨不止題壁

小樓看天都峯瀑布

天都瀑布歌

登硃砂庵登老人峯

憇文殊庵

文殊院夜起看月

下雲梯逕蓮華峯

登始信峯上石筍石

逕天平石登煉丹臺

飯慈光寺抵湯口

出湯寺抵灤口

湯池

天都峯

蓬華峯

石筍砒

鍊丹臺

慈光寺

宿方方石書館

過方司馬故第

題孟陽長翰山居

過釣臺

第二十卷 東山詩集三

合歡詩四首

催糲詞四首

贈田國戚

燕譽堂秋夕

秋夕話舊事

中秋出游二首

依韻奉和二首

高中丞乘城詩八首

長干行寄鄭應尼

贈痔醫

聞梅長公計二首

小至日京口舟中

奉和

寄杜總戎

冬至後京江感懷八首

孫太守得子四首 雪中次坡韻二首

次戈三自壽二首 辛巳除夕

次晏元獻公壬午歲元日雪詩

次前韻 獻歲書懷二首

留惠香

代惠香答

代惠香別

別惠香

仲春和合歡詩韻四首

春游二首
宿繆西溪從野堂

送徐秀才戌辰州
將相談兵圖

効歐陽詹翫月詩
贈劉大將軍

駕鷺行
黃長公壽歌

送程九屏二首
壬午除夕

第二十卷下
東山詩集四

癸未元日
元日雜題八首

陳鴻節過訪
留鴻節

馮猶龍壽詩
鄭將軍生日

魯孔孫畫竹歌

蟲詩十二章
有序

蜘蛛 燈蛾 蟬 蜜蜂 蚨蝶
蒼蠅 蟋蟀 蚊 蛟蟻
米蟲

禾髯餉醉李二絕句

謝輦下知己及二三及門四首

恭聞天語賦十四韻

次韻徐叟自壽四首

城北二絕句
輓尹西有二首

答夏雲子二首

中秋得鳳督馬公書報師期

燈下看內人插餅花四絕句

三良詩三首 有序

段賢良含素 汪中丞歲星

高侍郎平仲 絳雲樓上梁以詩代文八首

癸未除夕詩題十四首

檣竿下賦已又二三又門四首

朱祥翰相李二弊句

牧齋初學集目錄上

牧齋初學集目錄下

第二十一卷 雜文一

春秋論五首 跋尾

第二十二卷 雜文二

雞鳴山功臣廟考上下

致身錄考 書致身錄考後

書金姬傳後 書建玉皇閣疏後

第二十三卷 雜文三

嚮言上十五首并序

第二十四卷 雜文四

嚮言下十五首

第二十五卷 雜文五

書瀛國公事實 雜文 書沈伯和逸事

書盧孔禮事 書鄭仰田事

丁丑獄志 徽士錄

東征二士錄

第二十六卷 雜文六

書錢塘大慈山甘露院二牒後

再書二牒後 記司馬溫公神道碑

龍川二書後題 孝譽先生私諡議

顧孝廉請贈議 吳中名賢續議

放生說 袁祈年字說

陸符字說

第二十七卷 雜文七

富貴主人文 楚女對

書武林禳夷事 節婦文氏旌門頌

節婦韓氏旌門銘 節婦金氏旌門銘

新安呂氏節孝銘 雙節堂銘

義塚碑銘 第五公畫像贊

駝基硯銘 琴銘

杖銘二首 濟野關關壯繆廟銘

第二十八卷 序一

開國功臣事略序

開國羣雄事略序

重輯桑海遺錄序

國史名山藏序

新刻十三經注疏序

蘇州府學志序

鄉約序

取節錄序

建文忠編序

南昌趙氏族譜序

雙鳳顧氏族譜序

宋文憲護法錄序

陽明近溪語要序

華嚴懺法序

蕭伯玉解起信論序

心城全集序

第二十九卷 序二

方正學文集序

蘇門六君子文粹序

本草單方序

編次諸家文集序

兵略序

參籌祕書序

春秋匡解序

左匯序

說文長箋序

洪武正韻箋序

鄭氏清言序

宋氏誠意錄序

于氏日鈔序

姚黃集序

瑤華集序

破山寺志序

沒寧錄序

麟旨明微序

第三十卷 序三

少師高陽公奏議序

侯榮康公奏疏序

梁少保邱忠錄序

鄒忠介公奏議序

范司馬參機奏疏序

趙文毅公文集序

耀州王文肅公集序

顧端文公文集序

顧宮諭文集序

徐司寇畫溪集序

何香山文集序

第三十一卷 序四

湯義仍文集序

李君實文集序

劉司空詩集序

劉咸仲初藁序

范異羽詩集序

黃鶴嶺游恒山詩序

孫楚惟詩序

孫紫冶詩序

孫幼度詩序

孫靖自文序

楊澹如詩稿序

陶不退閒園集序

陶仲璞遯園集序

劉將軍詩集序

第三十二卷 序五

嘉定四君集序

虞山詩約序

徐元歎詩序

黃子羽詩序

華聞修詩草序

越東游草序

會房仲詩序

鄭孔肩文集序

王元昌北游詩序

王元昭集序

黃孝翼蟬窠集序

邵幼青詩序

邵梁卿詩序

朱雲子小集序

張孟恭江南草序

馮班詩序

陳遜詩集序

徐子能詩序

黃蘊生經義序

第三十三卷 序六

一樹齋集序

張益之存笥集序

黃德操詩集序

徐仲昭詩序

蔣仲雄詩序

張異度文集序

嚴印持詩稿序

琴述序

三嚴作朋集序

來氏伯仲詩序

秦槎路史序

玉署初編序

賀中冷淨香稿序

瑞芝山房初集序

南游草序

林六長虞山詩序

戴初士集序

秋懷唱和詩序

東壁遺稿序

錢集之遺稿序

鄭聖允詩集序

士女黃皆令集序

第三十四卷 序七

兵使馮公督學福建序

大司馬李公參贊機務序

宮傳黃公奉詔存問序

錦衣吳公進秩一品序

贈左君擢西臺序 贈涇陽張儀昭序

送段舍素辟召還商城序

兵使高君留任序 何樵官考績序

趙靖江考績序 楊縣丞歸雲南序

第三十五卷 序八

送瞿起田令永豐序

張處士赴遼東序 賀朱進士序

贈別方子玄序 龔崇德考滿序

定海范氏雙節序 汪母節壽序

李祥符考績序 賀文推官詩序

瞿少潛字序 贈侯朝宗序

第三十六卷 序九

壽福清公六十序 文文起六十序

李本寧七十序 史太嘗六十序

鄒彥吉七十序 畢封君八十序

江侍御六十序 黃憲使八十序

侍御汝瞻八十序 陳中丞六十序

謝象三五十序

宋太公七十序

永豐程翁七十序

范太公八十序

沈翁八十序

第三十七卷十序十

李貫之七十序

于潤甫七十序

于潤甫八十序

康文初六十序

贈汪君序

溧陽彭翁序

陳孟孺七十序

周翁八十序

壽何嶧縣序

趙敘州六十序

鄒孟陽六十序

嘉禾黃君序

聞谷禪師七十序

第三十八卷序十一

侯母段宜人序

顧母玉夫人序

畢母孫太夫人序

林母吳太夫人序

馬母李太孺人序

吳母程孺人序

黃母張夫人序

益都任氏雙壽序

角東陸氏壽讌序

第三十九卷序十二

方太夫人鄭氏序

姚母文夫人序

楊母侯孺人序

周忠介夫人序

太倉張氏壽燕序 何母丘太孺人序

松陵張氏壽燕序 涂母王夫人序

潘母湯節婦序 毛母戈孺人序

第四十卷 序十三

昨非庵日纂序 時子求期思集序

石田詩鈔序 歸文休七十序

陳孺人七十序 寶應李侯壽燕序

吳白雪遺集引 陸鯤庭集引

袁伯應南征詩引 純師集序

孫子長詩引 馮已蒼詩序

第四十一卷 記一

高陽孫氏闔門死節記

應天軍門軍器庫記

福建布政司修造記

蘇州府修學記 景寧縣改建儒學記

憺歸閣記 徐州保我亭記

錢湛如祠堂記 復介石書院記

第四十二卷 記二

重建青蓮寺碑 龍樹庵記

瑞光寺興造記 黃鶴山永慶寺記

武林報國院記
資慶院重修記

徑山種樹記

第四十三卷 記三

重修素心堂記
頤志堂記

蓼庵記
聊且園記

保硯齋記
白教諭遺愛記

儀孟劉母銘旌記
泐法師靈異記

兵忠武畫像記

第四十四卷 記四

重修維揚書院記
鄭氏復祭田記

虎丘雲巖寺重修大殿記

萊陽姜氏一門忠孝記

韓蘄王墓碑記

第四十五卷 記五

耦耕堂記
朝陽榭記

秋水閣記
明發堂記

花信樓記
留仙館記

王縈軒記
匪齋記

第四十六卷 記六

游黃山記九首并序

第四十七卷上首行狀一

特進光祿大夫左柱國少師兼太子太師

兵部尚書中極殿大學士孫公行狀上

第四十七卷下 行狀一

孫公行狀下

第四十八卷 行狀二

太子太保禮部尚書王文肅公行狀

左諭德贈詹事繆公行狀

第四十九卷 行狀三

朝列大夫管公行狀

第五十卷 墓誌銘一

楊忠烈公墓誌銘

贈大理寺卿鹿公墓誌銘

贈太僕寺卿黃公墓誌銘

贈太僕寺少卿顧公墓誌銘

第五十一卷 墓誌銘二

郭文毅公墓誌銘

贈太子少保李公墓誌銘

祭酒馮公墓誌銘

贈兵部尚書徐公墓誌銘

張評事墓誌銘

第五十二卷 墓誌銘三

兵部侍郎孫公墓誌銘

南京工部侍郎葉公墓誌銘

贈太僕寺少卿姬公墓誌銘

御史李君墓誌銘 給事侯君墓誌銘

劉訓導墓誌銘 郝延長墓誌銘

齊孝廉墓誌銘 王秀才墓誌銘

第五十三卷 墓誌銘

譚太僕墓誌銘 許府君墓誌銘

左扶溝墓誌銘 郭平樂墓誌銘

錢鞏昌墓誌銘 謝府君墓誌銘

曹府君墓誌銘 徐府君墓誌銘

劉府君墓誌銘 張君墓誌銘

第五十四卷 墓誌銘五

李長蘅墓誌銘 王淑士墓誌銘

沈無回墓誌銘 李玄白墓誌銘

張元長墓誌銘 金子魚墓誌銘

張異度墓誌銘 徐元修墓誌銘

聞子將墓誌銘 周府君墓誌銘

第五十五卷 墓誌銘六

徐元晦墓誌銘 邵茂齊墓誌銘

瞿元初墓誌銘 何季穆墓誌銘

王季和墓誌銘 馮嗣宗墓誌銘

李緝夫墓誌銘 繆采璧墓誌銘

趙靈均墓誌銘 張孟舒墓誌銘

張叔子墓誌銘 何仲容墓誌銘

第五十六卷 墓誌銘七

按察蕭公墓誌銘 參政陳公墓誌銘

長史何公墓誌銘 按察徐公墓誌銘

徐沔陽墓誌銘 陸朝列墓誌銘

陸平陽墓誌銘 孫府君墓誌銘

王通判墓誌銘 天河公生壙志

第五十七卷 墓誌銘八

浦君鎔墓誌銘 張義卿墓誌銘

夏君墓誌銘 龔府君墓誌銘

龔府君墓誌銘 陳則輿墓誌銘

陳府君墓誌銘 繆君墓誌銘

王府君墓誌銘

第五十八卷 墓誌銘九

陳母張氏墓誌銘 錢太宜人墓誌銘

宜人陸氏墓誌銘 趙太孺人墓誌銘

黃孺人墓誌銘 吳安人墓誌銘

顧恭人墓誌銘 徐孺人墓誌銘

第五十九卷 墓誌銘十

秀才孫鎰妻王氏墓誌銘

金孺人墓誌銘 張太宜人墓誌銘

趙孺人墓誌銘 黃孺人墓誌銘

湯孺人墓誌銘 張母黃孺人墓誌銘

第六十卷 墓誌銘十一

贈太僕少卿徐君墓誌銘

張昭子墓誌銘 鄒孟陽墓誌銘

姚君墓誌銘 金文學墓誌銘

朱府君墓誌銘

第六十一卷 墓誌銘十二

顧端文公淑人朱氏墓誌銘

沈節婦墓誌銘 唐君平墓誌銘

趙敘州墓誌銘 蔣斷事墓誌銘

毛君墓誌銘

第六十二卷 神道碑銘一

趙文毅公神道碑

左都御史曹公神道碑

高忠憲公神道碑

贈太僕寺卿周公神道碑

第六十三卷 神道碑銘二

傅文恪公神道碑

禮部尚書蕭公神道碑

慈谿馮氏先塋節孝碑

封兵部尚書李公神道碑

左布政王公墓碑

第六十四卷 神道碑銘三

兵部右侍郎梅公神道碑

第六十五卷 神道碑銘四

兵部尚書申公神道碑

南京刑部尚書沈公神道碑

右副都御史錢公神道碑

徐氏先塋神道碑

第六十六卷 墓表一

臨安王給事墓表

宋比玉墓表

王季木墓表

琅邪王府君墓表

參政沈公墓表

副使張君墓表

趙郎中墓表

顧勳衛墓表

張益之墓表

姚處士墓表

李德遠墓表

吳君俞墓表

張季公墓表

第六十七卷

墓表二

南海黃夫人墓表

澤州王氏阡表

丁氏墳前石表辭

孫安人墓碑

房母太宜人墓表

劉氏二節婦墓表

瞿太公墓版文

第六十八卷

塔銘一

憨山大師廬山五乳峯塔銘

洞聞谷禪師塔銘

洞聞禪師塔銘

鶴林法師塔銘

第六十九卷

塔銘二

雪浪大師塔銘

一雨法師塔銘

汰如法師塔銘

竺璠禪師塔銘

第七十卷

傳一

呂講經傳

程尚書傳

雷孝子傳

吳孝子傳

丁節婦傳

孝女荆觀傳

楊烈婦傳

顧節婦傳

第七十一卷 傳二

朱鷺傳

徐霞客傳

萬尊師傳

王淵生小傳

第七十二卷 傳三

瞿元立傳

顧仲恭傳

第七十三卷 傳四

梅長公傳

張進諫傳

紫髯將軍傳

第七十四卷 文譜牒一

請誥命事略

刻先君子古史談苑目錄後序公文

先太淑人述文 外庶王母壙銘

亡兒壽考壙誌 亡妹合葬誌

第七十五卷 文譜牒二

春池府君行狀文 忠甫令甫壙誌

令甫錢君墓表 節婦徐氏墓誌銘

陳孺人墓誌

第七十六卷 文譜牒三

御史錢府君墓表 三 鄭令人墓誌銘

純中秀才墓誌銘 觀伯墓誌銘

何嶧縣合葬誌 陳府君合葬誌

第七十七卷 祭文 祭于忠肅公文 祭趙端肅公文

祭傅文恪公文 祭高陽公文

再祭高陽公文 祭安邑曹公文

祭南昌相公文 祭孫文介公文

祭唐太嘗文 祭翁太嘗文

祭王方伯文 祭于惠生文

祭徐元晦母文 祭翁太嘗文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

祭徐元晦母文 祭于惠生文

第七十九卷 啓 帳詞 書 祭文

賀福清公啓 答方長治啓

賀任侍御帳詞 上高陽師相書

答唐訓導論文書 與京口老僧書

與卓去病論經學書 稼軒跋附見

第八十卷 書 帳詞

復陽美相公書 報長安諸公書

答鳳督馬公書 上應撫鄭公書

回金正希館丈書

永豐詹京兆七十帳詞

第八十一卷 疏

五臺山藏經塔疏 西方蓮社疏

化城寺大殿疏 一樹庵佛殿疏

徑山大悲閣疏 天峯寺修造疏

華山寺募緣疏 虎丘修造募緣疏

開元寺萬佛閣疏 北禪寺興造疏

嘗熟縣募建聚奎塔疏

書西溪長老冊 追薦謝耳伯疏

為卓去病募飯疏

第八十二卷 贊 偈

佛母大準提王菩薩贊

關壯繆畫像贊 慈山大師真贊

清源何氏圖譜贊 王氏世德贊

仰田高氏真贊 張元長真贊

張異度贊

劉西佩僧相贊

御史汝瞻畫像贊

瞿元立畫像贊

宋主事畫像贊

五老石贊

題滕公遜像

張李二生小像贊

張中吳真贊

大悲觀音像贊

畫阿彌陀佛偈

慈門書華嚴經偈

第八十三卷 題跋一

跋淳熙九經二則 讀左傳隨筆五則

書史記項羽高祖本紀後二則

跋季氏春秋私考

跋禹貢解

跋王右丞集

讀南豐集

讀蘇長公文

題中州集鈔

題懷麓堂詩鈔

書李文正東祀錄

題歸太僕文集

第八十四卷 題跋二

記北盟會編鈔本

記月泉吟社

跋汪水雲詩

跋王逢梧溪集

跋朱長文琴史

題續吳都文粹

跋趙忠毅集

跋傅文恪集

書王損仲詩文

題王和仲手簡

跋董侍郎文集

書賀府君墓碑

跋同年會卷

書姚母旌門頌

跋高存之邨居詩

書竹林畫卷

題張天如立嗣議

書寇徐記事

題孟陽贈汪生序

題張子鵠行卷

書嘯道人自敘

書于廣文宗祀錄

第八十五卷 跋三

跋宋版左傳

跋前後漢書二則

跋坡書陶淵明集

跋張司業詩集

跋東坡志林

跋東坡詩注

跋渭南文集

書東都事略

跋宋版文苑英華

跋草窻東谷二集

跋顏魯公誥

記清明上河圖

題楷書千文

題中書科書卷

跋董玄宰赤牘

跋玄宰書杜詩

題長蘅畫

題劉媛畫大士

跋一笑散

題徐生小令

題程孝直印譜

題誥命墨刻

書黃中允劉招

題練中丞詩

題張子建詩

題鴈字詩二則

題張日永詩

題長蘅書劉賓客詩

第八十六卷 題跋四

書法寶三書後

跋傅文恪大事狂言

跋雪浪書黃庭經

跋憨山大師大學解

書壁峯禪師塔銘

跋血書華嚴經後

跋清教錄二則

石刻楞嚴緣起

跋老米記魯公事

記峨眉仙人詩

題放生閣賦

書放生池冊

題佛海卷二則

題同學會言

題獨寐寤言

題顧與治詩

題胡白叔六言詩

書吳太雍文

第八十七卷 奏疏

議

己巳勘明謝恩疏

丁丑就繫訟冤疏

剖明科場始末疏

戊寅放歸謝恩疏

辛巳遵旨回話疏

輸丁議

編審議

優免議

調用鄭帥議

第八十八卷 制科一

萬曆庚戌廷試策一道

第八十九卷 制科二

策會試論一首 附錄二表一首

策五道

第九十卷 卷制科三

天啓元年浙江鄉試錄序

論一首 策三道

第九十一卷 回外制一 劍下篇

外制集序

皇后冊文一首

策內閣十九道 詹事四道

宮坊翰林十二道

第九十二卷 外制二

都察院二十四道 大理寺十道

策太嘗寺四道

第九十三卷 外制三

太僕寺三十五道 尚寶司十道

贈官誥命五道 跋尾

馮有經贈禮部右侍郎 附諭祭文一道

石茂華追贈資德大夫 洪文衡贈工部右侍郎

安希范贈光祿寺少卿 張振德贈光祿寺卿

第九十四卷 外制四

給事中二十五道 御史二十七道

第九十五卷 外制五

吏部八道 戶部七道

禮部九道 兵部二道

刑部八道 工部一道

大理寺四道 中書舍人一道

恩蔭官六道 兩殿中書八道

第九十六卷 外制六

南吏部侍郎六道 南通政八道

南光祿十一道 南御史十道

第九十七卷 外制七

南吏部一道 南戶部九道

南禮部八道 南兵部五道

南刑部五道 南工部二道

第九十八卷 外制八

布政司十一道 按察司三十二道

第九十九卷 外制九

知府三道 同知通判七道

推官三道 知州八道

第一百卷 外制十

知縣二十五道

第一百二卷 太祖實錄辨證一

太祖降誕
上入濠城
彭趙稱王
徐達為鎮撫
太平城下之戰
汪同來降
太祖為吳國公
皇覺寺禱神
滁陽次夫人
李善長掌書記
馮國用典親兵
禽張九六
胡深不叛石抹

第一百二卷 太祖實錄辨證二

劉基至建康
陶安知黃州
李察罕遣使
中書省御座
韓成戰死
楊山之戰
康茂才遺書
曹良臣來附
明王真破嘉定
郵陽洪都死事
御舟膠淺
追封胡大海

陳友定不屈

第一百三卷 太祖實錄辨證三

陶安追封
僧使日本
廖永忠沈小明王
吳楨子襲封
廢汪廣洋勅
雲奇考誤
楊暉伏誅
汪興祖封侯鐵券
薛顯復祿
黃彬不書卒
胡陳謀反事蹟

第一百四卷 太祖實錄辨證四

昭示奸黨三錄辨李善長獄詞

第一百五卷 太祖實錄辨證五

朱亮祖杖死
鄭遇春復爵
曹國公恩典
梁國公胡顯考誤
胡美伏誅
顧敬襲爵
封征南十二侯
嘗昇伏法

吉安三侯伏誅
周德興伏誅
宋穎二公伏法
胡海坐黨
鄭曉好引稗史

第一百六卷 讀杜小箋上

讀杜詩寄盧小箋序

游龍門奉先寺至洗兵馬十七則

第一百七卷 讀杜小箋中

晚出左掖至張舍人遺織成二十三則

第一百八卷 讀杜小箋下

諸將至收京二十四則

第一百九卷 讀杜二箋上

讀杜二箋序

行次昭陵至戲為六絕句二十一則

第一百十卷 讀杜二箋下

收京至聶耒陽書致酒肉十則

注杜詩略例

牧齋初學集目錄下

出林詩韻
如或重耳未聞音延而後木限
第一百十卷
韻林二卷下
六卷
六卷
二十一限

牧齋初學集卷第一

還朝詩集上

起泰昌元年九月盡一年

九月初二日奉

神宗顯皇帝遺詔於京口成服哭臨恭賦挽詞

四首

竹符頒郡國王几罷音徽率土悲風動敷天泣
露晞清霜明祕器紅葉掩容衣慟哭江城暮秋
笳起落暉

其二

太姪胎而教甘盤學後臣

指江陵張相

營齋嘗念母

步禱為憂民靜攝周函夏分封斷鬼神南郊傳
累德哀策屬何人

其三

在宥羣方理高居庶物新天為摧醜虜關白平秀吉自

斃地不愛金銀言開採之役楊柳深宮月梧桐別院

春昇平多故事載筆詢遺民

其四

北極升遐日南徐慟哭時攀髯生有願臨穴死
無期待從朱衣隔臚傳玉筆遺奔喪吾豈敢亦
欲報恩私

九月十一日次固鎮驛恭聞

泰昌皇帝升遐途次感泣賦挽詞四首

御極恩方布登遐詔已刊生存臣子恨死孝

帝王難鳳闕秋霜滿龍樓夜雪殘見星吾敢後

慟哭向征鞍

其二

妖星頻貫掃白氣久纏綿將作荒三殿上詔修三殿

材官哭九邊上登極即餉九邊二百萬起居宮掖祕清削御

容傳國史徵何代三朝并一年時亟議改元未達踰年之禮識

者卒以為譏

其三

丹地飛章日青宮側席時憂危宗社竝訶護鬼神知禁近終難問彌留竟可疑盈朝董狐筆執簡欲何施

其四

憑几將傳命垂衣尚視朝重陰才見曉徧雨不崇朝德自三旬著功難百世祧吾君幸有子十六誦唐堯

嫁女詞四首

余初登第旋奉先人諱里居奉母垂十有一年

乃詣闕補官是時

神廟上賓國論喧

隳突別母北上中心惻愴而作是詩也

中堂何喧闐明燭耀銀缸箱簾啓菱蕤刀尺聲
硠硠大姊裁羅襦小妹熨袴褶鄰女贈錦段雙
雙繡鴛鴦阿母髻婆娑篝燈理中裳阿母向我
言撫汝嬌且長十載違汝家頓頓類媪孀輕軒
宵在門重整嫁時裝女行欣有家阿母心內傷
牽衣告阿母背指燈燭光女身如明燭影在阿
母旁

其二

有家亦云久結縵在高堂云胡背君子不得奉
尊章歸寧十餘載道路阻且長欲絕忍棄捐欲
往河無梁戰身事慈母顧影守帷房獨坐親圖
史行步施珩璜懷哉采芘詩誦彼浥露章豈若
魯潔婦陌上行採桑菟絲生陂田終不慕高岡
芙蓉悴秋風其名爲拒霜我生不有命胡爲怨
空床

其三

空床雖獨守終然念所天主人良高臥臧獲偷
晏安薪突誰與徙井臼或不完祭祀廢春割寇

盜隳牆垣百憂攬我心逼遯不得言槌床復倒
枕豈爲兒女歡終身一與齊棄捐永相關况我
非棄婦何能不沈瀾不見漆室女倚柱起長歎

其四

長歎亦何爲會合當有期懷君雙明珠中夜生
光輝沈淵何足悼光彩諒不虧縞衣與綦中理
我嫁時衣衾服及春風何能待秋時醜婦憎明
鏡衆女疾蛾眉琴瑟貴靜好閉戶理朱絲行行
遠阿母回頭涕漣沔翩翩辭歸燕向我飛差池
吳門寄陸仲謀大叅

步櫟相呼倒接離東阡南陌夜歸遲檀槽奏罷
翻新曲樺燭燒殘覆舊棋燕賞花時無主客催
徵酒社有文移謝公底事情懷惡只爲中年有
別離

渡江二首

京江南北路不到十餘年歲月看如此風波意
眇然浮生催渡客宦況釣魚船何事眉山老歸
期只問田

東坡金山詩云我謝江神豈得已有田不歸如江水

其二

山城如畫裏一櫂亦悠哉鈴塔晴相語魚龍靜

不飛澄江千嶂見秋水片帆開約略金山寺會
聽粥鼓來

儀真西十里褚家堡公館壁版晉江李伯
元作修館記其文有宋元名家風致李未
嘗以文章名於世其文集亦不傳感而題
其後

漆版摩娑字半湮蟲絲鼠跡暗承塵文章頗似
褒城驛可有停車點筆人

過清流關讀尹二員外

嘉賓

題壁詩云莫

道時清關失險勇夫重閉自春秋歐陽公

曰漠然徒見山高而水清其意尤可感也
輒書短歌繼之

南滁介恃江淮土清流一關作門戶山環徑複
路砢然萬馬盤空忽軒舞關門懸雷通井幹透
迤中原去莫捍臨濠王氣芒碭雲後却前迎勢
凌亂我來吊古清流關升關四望山孱顏山高
水清如昨日戰壘剗削沙蓬閒清流失據暉鳳
死十五萬人割羊豕降幡已分樹石頭釣絲何
用量江水承平天地無南北中車春糧從所適
勇夫重閉自春秋尹生之言使我憂

過滁州懷李三長蘅長蘅偕上公車愛滁
陽山水有異時吏隱之約故及之

十五年前再往還停車猶記竝開顏風霜宛爾
如君秀泉石依然笑我頑行役總歸鴻爪跡懷
人仍在馬蹄閒環滁官舍琴臺畔拄笏知誰解
看山

南滁望滁陽王廟遂趨臨濠道中感而有
述

我車出南滁遂走臨濠道帝鄉多白雲王侯盡
宿草緬懷滁陽王一旅起傭保真龍潛魚服椒

塗附蘿蒿家人畜 帝后 天子呼翁媪遺業
資龍興殘軀沒雲擾廟貌良已隆血胤終莫考
麗牲碑版傳立馬墓田杳嘯歌感牧豎惆悵詢
父老我觀草昧初羣雄覬大寶逐鹿分犄角探
龍競鱗爪真人信天授詎能一劔掃牧羊蕩秦
灰銅馬啓漢造赫赫高光業驅除豈云小滁陽
追王陳亳都紀年渺史存有諱忌國往無繼紹
故事亥豕譌殘書蠹魚飽善哉秦楚際遷史著
月表寄語石室人放失事搜討

臨淮田舍題壁贈王鶴年

坦腹便便膏十圍鐵衣拋却臥牛衣恨君不度
三岔水生取 歸

彭城道中寄懷里中游好次坡公在徐寄
邦直子繇之韻四首

少小論交杵臼閒十年漂泊共郊原燈窗颯颯
秋風急簾閣蕭蕭暮雨喧笑口嘲轟巾角墊書
籤狼藉酒杯翻停車欲作相尋夢睡眠搭時淚
已吞

其二

臺頭急雨懷邦直東閣淒風對子繇偶到彭城

尋舊事轉於行役起離憂竊紅吾谷楓霜蚤收
淶西湖菰水秋料得諸君嘗共醉不知曾話阿
儂不

其三

料峭西風汴泗閒江東應念袂衣寒軟紅三尺
新閨夢嫩綠千章舊釣灘拂水鶯花春寂寂彭
城風雨夜漫漫情知五百年閒事銅狄摩娑不
忍看

其四

十日京江不滯留故人趣別我先憂髯龔喜作

班荆語短許空期彈鋏游擁髻風情傳後閣胡
床談笑憶南樓掉頭終擬隨公等浩蕩春波戲
白鷗

徐州雜題五絕句

彭城十日水奔流太守行呼吏卒愁河復詩成
無一事羽衣吹笛坐黃樓

其二

重瞳遺跡已冥冥戲馬臺前鬼火青十丈黃樓
臨泗水行人猶說霸王廳

其三

柳老花殘木葉秋西風斜日總牽愁天涯大有
多情客不忍經過燕子樓

其四

磨盤嶺過出淮東捍索如雷百丈洪陸走要知

山下路舟行莫使滿颿風

要知山下路莫使滿
帆風皆吳語

其五

鴉軋爭看濟渡舟人如鳧鴈集汀洲寒衣減蹀
君休笑自古黃河是濁流

丁未春與李三長蘅下第竝馬過滕縣貫

酒看花已十四年矣感歎舊游如在宿昔

作此詩以寄之

滕縣春來花萬樹花白花紅夾煙霧交加嫩紫
欺艷陽灼爍繁英炤日暮今我來時秋已老柳
禿槐黃隕霜露風雨依稀下第身鶯花指點停
車路與君過此十四春日如梭事錯互青春
作伴更幾迴紫陌看花是前度花開花落不成
谿征人合沓從此去花前掉臂去復來縱見花
開有何趣羨君真作淡蕩人間卽牽舟湖上住
山僧扣門分盤餐榜人刺舟乞絹素西湖煙水
收淥波靈隱霜林放紅雨征途茫茫君倘憶清

夢悠悠我難赴推尋舊跡如見君花白如銀咏
君句長蘅寄余詩云穀城山好似銀沈吟感歎日欲
西為君酌酒田文墓

鄒縣謁孟子廟

巋然騶國里廟門鎖蒼翠鬱盤千年宮檜栢留
浩氣末學紛壇墀講堂開馬肆妾婦充朝著從
橫樹師帥獲禽良已詭率獸一何恣嗚呼七篇
書無乃墜於地棟宇自古昔誰與任塗墜下車
淚泫然再拜濕階祀

大風發穀城山

驅車穀城山剽風旋如塊厓端殷崩雷石角噫
衆籟合沓饑鴟號排蕩飛鷁退首塗失西東亭
午轉冥晦天窄危徑裏日蕩浮埃外輿諍徒侶
錯馬旋尾鬣對跼步蹠石根却行壓人背登頓
鳥道半經亘蟻封內歇鞍方問塗息肩始一喟
行看日車斜坐喜坤軸在行邁固有時冥升信
多晦善哉前車戒斯言旅人昧

發荏平過高唐州

今日宜行旅天清日融融徒御行且歌人馬欣
相從朝發魯連邨却過平原封顧此風日美念

彼道路窮駕車役童豎束燎責老翁袒肩驚肉
鞍頓足嗟骨春弓劒趣傳遽竿牘疲郵筒使車
風颯香飛騎塵冥濛民勞思小康財盡歌大東
嗟我亦何人晏坐安車中

河間城外柳二首

日炙塵霾轍跡深馬嘶羊觸有誰禁劇憐春雨
江潭後一曲清波半畝陰

其二

長條垂似髮鬢拂馬眠衣總不堪昨夜月明
搖漾處會牽歸夢到江南

佟宰餉刁酒戲題示家純中秀才

刁酒沾唇味許長河閒才得一杯嘗儂家酒譜
卿知不記取清甘滑辣香

其二

北酒盈尊菜滿盤每因西笑憶長安如今又想
南茶喫悔擲槍旗上馬鞍

和范致能燕山道中絕句八首

吾郡范文穆公成大以乾道六年使金自渡淮

至燕山塗中有絕句詩一卷自白溝河抵會同
館凡八首則余入畿南所經歷道也吊古憂時

感歎天水金源遺跡援筆屬和情見乎辭庶幾
效矇瞽之義焉

白溝河 范詩注云在安肅北十五里闊
才丈餘古亦名巨馬河本朝與遼人分界
處

遼宋分疆一線流白溝人說是鴻溝兩河三鎮
全輸却殘局休論十六州

范陽驛 范注云涿州驛墻外有尼寺二
鐵塔夾塗如雪俯瞰驛中

朔漠風來語鐸鈴浮圖如雪夾郵亭使臣中夜

頻欹枕替戾岡音或可聽

琉璃河 范詩云琉璃河上看鴛鴦注云
在涿州北三十里極清泚茂林環之尤多
鴛鴦千百爲羣

花石網殘花鳥稀乾千山雀幾時歸琉璃河上
乘輶客愁見鴛鴦對對飛

灰洞 范注云在涿北燕南之間兩旁皆
高岡無風而塵土全集不辨人物

燕南涿北殺愁人灰洞無風自起塵一片江南
圖畫裏西湖秋月石湖春

良鄉范注云燕山屬邑驛中供金栗天生子皆珍果又有易州栗甚小而甘

攬轡嘗新一歎嗟山梨易栗帶胡沙宜春小苑芳菲日首蒼葡萄屬內家

盧溝范詩云草草輿梁枕水低蓋文穆過時此橋尚未斲石

已割燕雲却罷休使車容易度蘆溝桑乾河水輿梁下依舊長流繞汴州

蹋鷓鴣中 范注云金接伴使田彥臯所製蓋胡服也

鷓鴣貂鷓總紛紛中悵何曾遺去 虜人用使南

不恭謝北不知誰戴蹋鷓鴣中 會同館 范注云燕山客館也遼人館本

朝使已謂之會同館攬轡乘輅使指同 中 祥符路振使遼有乘輅錄

燕賓館宇雜華風會朝青海班三恪莫訝胡兒說會同

附錄舊詩

吳門送福清公還闕八首甲寅

都門祖帳藹如林却望彤墀淚不禁出處頻頻

明主念安危何限老臣心夢回漸覺朱衣遠身
退初知白髮深林下有人君側少知公未忍說
投簪

其二

上帝高居儼肅雍中書退食敢從容舉朝水火
和羹苦于野玄黃戰血重四海憂來頻緩帶隻
身朝罷每扶筇可知報主心如醉久矣愁聽長
木鐘

其三

介圭爭望錫河山忍聽優歌枯菀閒春盡親王

頻如扣九關羽翼已成商老去漢庭容易點
朝班

其四

母上賓遺詔出普天開讀淚并流楚宗係累
泣相見高廟衣冠欣出游楚宗因高墻十王
餘年至是得釋
凡天親改削珠厓何日罷征求詔條列捐礦
稅一款上
去筆如椽大筆盈懷袖莫忘山東父老憂

其五

甘陵南北久分岐鷓鴣鴛鴦雍容彼一時抗疏有人

盈瑣闥顧名無闕省杲恩恩牛怨李誰家事白
馬清流異代悲人載調羹心赤苦臨行諄復外
庭知

其六

傳宣鈴索待中宵夙夜寧知帝座遙自分朴忠

要聖主何煩激切擬先朝

之國時大臣相要伏闕公不可丹

墀虎豹紛相伏白簡魚龍莽自驕
擗擋篋箱留諫草欲令惇史記唐堯

其七

拂衣歸揖武夷君九曲僊山
帝許分釣碣自

携新煉石臥床還弄舊書雲朝班改隸三元會
錫命裁成十賚文斗柄瞻相仍在手慢亭光氣
夜氤氳

其八

閩海爭傳岳降神匝天弧矢護生申契丹使亦
知元老回紇占應見大人代許孤忠留一柱
帝思耆德撫三辰吳門咫尺鄰閭闔珍重東山
五畝身

繡斧西巡歌四首爲徐季良先生作

乙卯

繡斧西巡不暫停猿啼宇怨蜀山青胡床襍被

蕭然去片石留爲劔閣銘

其二

棘霧巴煙蜀道遙每瞻參井歎中朝知君未愜
澄清思又過清江萬里橋

其三

清時指佞豈塗窮
眊筆看他御史驄
莫道一鳴都斥去
能言鸚鵡在雕籠

其四

監察繇來比蜀椒
不應開口在中朝
遷官解道如甘子
甘子心頭苦自饒

夜泊滄野關却寄董太僕崇相四首 戊午

滄野關前薄暮過孤裝窮客免譏訶
榜人莫訝

逢迎少津吏繇來殿最多 同年生權 過雨洗鐺

軒慧水迎風倚權按吳歌
十年漂泊中宵夢怕

聽霜林振鳥窠

其二

闔廬城下雨蕭蕭有客方舟共策遼 謂崇相也 直北

總憑山海障自東莫斷懿河腰
鑕刀可忘降夷

狡賜劔還防宿將驕
更說天街多客宿起占箕

尾坐中宵

其三

吳兒誰復說韓徐
勛業空傳琬琰書
近見閩中董應舉
頗推吳下呂純如
身經海道千盤險
血濺貂璫十指餘
但使羣公皆女輩
不才甘自老樵漁

其四

宿火熒熒冷不除
酒溫時復點殘菹
更長細聽關門柝
燭短麤繙海漕書
下水帆幃過越嶠
中宵絃管接姑胥
清平時節繁華地
襍被孤蓬信所如

壘前韻答何三季穆

通籍金閨數載過
閒門羅雀省人訶
春心駘蕩花閒少
秋髮繽紛酒後多
但說艱危三太息
每逢朋舊一悲歌
五湖只在蒹葭畔
漁火衝寒警鴈窠

其二

衝車格格馬蕭蕭
天下徵兵盡度遼
係累行人傳禿節
參夷降將詫橫腰
每憂畢口星非舊
誰禁旄頭氣不驕
報國自慙無一寸
坐聽瞽史度寒宵

其三

年來災沴逼揚徐，碩鼠會占草木書。有羣鼠渡江之異，占
在草湖海憂危惟汝獨，菰蘆豪傑更誰如。燈窗
俛首心堪折，書案籌邊淚有餘。春暖洞庭蝦菜
好，可能削跡共佃漁。

其四

氛祲冥冥歲逼除，行吟自採澤邊菹。星占未解
靈臺奏雲物，真慙太史書。鐵鎖樓船還建業，龍
衣御酒自姑胥。裁詩共有河山淚，感激飛騰我
不如。

除夕再疊前韻和季穆寄黃二子羽之作
兼示子羽

除夜閒門冷落過，桃符土梗也相訶。彌衡姓氏
投人少，韓愈文章逐鬼多。幕燕頻煩春社語，邛
雞愁絕夜分歌。五行記異憑誰驗，鸚鵡年年識
舊窠。

其二

隕霜猶未殺菅蕭，約略年光轉沈遼。低亞梅花
先索笑，欠伸楊柳欲舒腰。冰侵綈几書籤冷，衣
覆香篝侍女驕。煨芋焚枯吾事足，莫將風雪厭

寒宵

其三

黃簾綠幕漏徐徐短檠頻挑夜勘書執苑叢殘

根莠在文人凋謝槿花如金華絕學吳黃後金華

謂宋文憲公吳淵穎黃文獻文憲之師也太僕遺編歐柳餘謂崑山歸熙甫

寄語吾徒須努力張羅休效一囊漁歸熙甫

其四

殘雪流澌入砌除歲華荏苒度鹽菹人情簡點

惟除目世事參差似曆書仕路無因同鼠穴儒

生何計勒狼胥眼中二子非凡鳥且共翱翔尺

鷓如

牧齋初學集卷第一

牧齋初學集卷第二

還朝詩集下

起天啓元年辛酉盡四年甲子

入朝有作呈詞館諸公

朝朝待漏侍金輿
往往衝寒對玉除
每向候人分宿火
却隨堂吏憇周廬
長鳴共苦籠雞早
夾立爭看仗馬如
傳語詞垣數君子
冰銜三字不堪書

送兵部董侍郎

漢儒

總督宣大二首

幽并兩道建牙中
列帳蕭然靜朔風
千隊市場來種馬
百年御幄護槐龍
軍前揮扇油幢碧
閣

裏傳籤畫燭紅挿漢一山屏障外更煩前箸策
遼東

其二

素囊游牧近雲中挾賞連兵勢漸雄併鎮規圖
傳往牒嘉靖中宣大山西督撫有三鎮併守之議擺邊殘卒臥雕弓
中朝但出金繒計胡婦頻仍玉冊封屈指中興
功第一雅詩吾欲嗣車攻

送劉編修

鴻訓頒詔朝鮮十首

鴨江水綠兔山青鴻範猶傳舊典刑新傳五行
歸論奏清朝訪落待橫經

其二

復國威靈薄海濱龍衣虎節炤青春東藩遺老
爭垂淚又見神宗舊史臣

其三

金函玉節日邊行遼海榮光接漢京黑水殘波
休作浪黃河已爲聖人清

其四

七略傳書在漢庭高文典冊竝崢嶸皇家不
用閒詞賦未許雞林識姓名

其五

箕子墓對檀君祠墓前山色滿城陴知君繫馬
無窮思正是春風麥秀時

其六

平壤城邊戰骨叢更聞麗婦哭征東熙寧雅樂

君須訪兼采夷歌備國風宋熙寧中命樂工采樂於高麗

其七

寶文清燕集襟裾飛閣臨川類石渠試按圖經

問遺跡輪軒莫忘訪遺書寶文清燕皆高麗秘閣臨川閣其聚書籍

之所

其八

屬國山川斥堠連咨諏命使豈徒然圖經舊說

宣和好不載陪臣贈和篇宋徐競有奉使高麗

陪臣訓和議者以爲失體

其九

逆奴四路拒王師一鼓兼聞創屬夷應有

聖朝哀痛詔滿城忠義鬼先知余議頒詔朝鮮

祭東征陣亡屬夷而闕部無言及者

其十

自古論兵貴伐交出奇左掖搗奴巢詞臣歸獻

平夷捷并與衰遲一解嘲東使余以次當行謀從東出奇兵搗奴老

巢劉行余遂寢其議故未章及之

昌平州唐劉去華故里

不見前朝諫議祠
春風古道長茅茨
千秋流恨成甘露
兩字驚心是北司
烽火中宵傳紫塞
風霾盡日望彤墀
登朝自顧顏何厚
欹枕明朝鬢有絲

清明日陪祀

定陵恭述二首

紗燈玉斧儼垂旒
慟哭珠襦悶一丘
是日清明射楊柳
經年寢廟長梧楸
金銀氣白二泉曉
環

珮風清別殿秋

今上移宮之後鄭貴妃退居一號殿

望裏香山神

御在衣冠還竝兩宮遊

其二

清秋灑淚送宮車
雨露今陪秩祀初
路寢裳衣憑几在
新宮楹桷考工疎
寢殿柱下流赤水如將作之過非災異也
深居尚想神光杳
末命如傳燿火餘
報稱十年違侍從
嘔心應在定陵書

恭謁

長陵

文皇神武唐宗後
靖難功成戰血殷
鐵騎至今

趨朔漠玉衣終古鎮燕山峯迴屏障諸陵拱日
落旌旗萬馬還姚榮靖卜長陵云勢如萬馬自天而下前後北征
多侍從承平忝竊史臣閒

西山道中二首

上陵何美得幽期夢裏西山慰我思泉石雨枯
惟有骨鶯花春老尚無姿歸鴉禁鑰愁偏急羸
馬斜陽喜竝遲來往鷓鴻紛接武祇應倦羽獨
差池

其二

望裏青山開復遮數峯缺處有人家溝渠流出
垣牆水籬落飄來禁苑花夕炤對街宮樹直晚
風旁掠酒帘斜軟紅塵土原如許一入東華便
可嗟

碧雲寺

丹青臺殿起層層玉碣雕闌取次登禁近恩波
蒙葬地內家香火傍禪燈西山諸寺皆司禮大
豐碑鉅刻書元宰諸庵碑版皆館閣大老之文碧海紅塵問
老僧禮罷空王三歎息自穿蘿徑拄孤藤

香山寺

千峯匝匝更分明礪複岡迴一徑清天遠夕陽

連海色山空晚院聚鐘聲雲從石磴中間出月
向香臺下界生萬壘煙巒欄檻外不知何處與
身平

其二

仙仗宸游杳莫攀夕陽騎馬歷孱顏來青禁扁

傳來青軒扁金母聖皇太后御書秀色香山動玉顏

神宗幸西山顧謂侍佛火自依新月上齋鍾猶

出莫雲間定陵松栢呼風急知有神靈扈從

還

經筵記事十首

綈几牙籤進御初天顏肅穆不曾舒案頭回
得茶重瞳眇白髮詞臣跪展書

其二

元老延登講幄新文華祕殿啓埃塵袖中儀注

中官訝嘖嘖詞垣尚有人講筵初啓中官聚語

之神中類

其三

初日曛曛炤直廬兩行山立聽傳呼侍班卿相
皆元老直殿將軍是武夫

其四

文華後殿軟輿迎九五齋中對穆清今日講官
誰稱肯東班庶子最分明是日高陽公進講誠意章

儒生今日近 天家銅尺書籤壓復斜歸去天

香滿衣桁袞龍袍袖正交加後書官袍袖每披

儒臣至榮 其六

棕棚東掖拜恩榮列俎雕盤法酒清不比尋嘗

賜茶飯人言白天子請先生

其七

御氣氤氳繞玉皇西清旭日射衣裳侍臣身在

鑪煙裏頌賜何煩漚手香展書官內府頌賜漚手香今不可得矣

其八

金鶴鑪然異域香侍臣却立正相望如今鶴去

人猶似引頸無言 御座旁金鶴香爐下展書官對立之處今鶴

為人盜去不問

其九

天矯槐龍想玉除槐廳無復史官居蓬山芸閣

吾能說只是閒窻讀道書

其十

宋室西羌縛鬼青
邇英書殿正橫經
遼陽會獻奴兒馘
定有神書撼索鈴

寄東江毛總戎

文龍

鴨綠江頭建鼓旂
閒關百戰壯軍威
青天自許孤忠在
赤手親擒叛將歸
夜靜舉烽連鹿島
月明傳箭過鼉磯
紛紛肉食皆臣子
絕域看君臥鐵衣

春日過易水

驅車信宿驛程閒
雙鬢蕭騷春又還
易水到來偏易感
酒人別去更相關
暮雲宮闕愁心繞
落

日衣冠古道閉
老大不堪論劔術
要離墳畔有青山

癸亥元夕宿汶上

薄靄春泥黯黯吹
一燈風雨夜何其
愁依短檠聽更漏
悶撥寒爐記歲時
好景良宵渾棄擲
暗塵明月費尋思
猜殘燈謎無人解
何處平添兩鬢絲

甲子秋北上渡淮寄里中游好

登車蹙蹙騁何方
歎息虛名愧服箱
世上癡兒難了事
吾曹小子自成章
丹楓數里明殘炤
紅

柿千林熟早霜拂水西湖釣游處定知清論滿
滄浪

其二

少壯真非把翫時俊游今已歎衰遲逃禪定入
遠公社乞食還過漂母祠悶對秋鷹藏老手閒
臨春鏡簡新絲天涯我亦憐同病落日蒼涼有
所思

其三

世事閒來細忖量不如高臥味差長楮子牙陷
多奇疾食宿相兼乏好方東家子富而惡西家子貧而美里女謂其

母曰欲東家食西家宿也細雨秋蠅尋舊冊微風春燕試新
粧故人別後應憐我頭白關山一夜霜

其四

千年王氣萃粉榆渦口淮流竝拱趨禹會於今
朝玉帛霸朝空自斷上荆塗周世宗征淮以荆塗二山為濠州之
朝岡有王氣命斷之後分茅總列中都志聚米
三百年而太祖出誰披遼海圖入國下車三歎息有人稿項在菰
蘆

客塗有懷吳中故人六首

王同知孟夙

衣鉢蕭然寄石盂又乘單舸上匡廬生平尚有
須眉在踪跡真成鶴鷺如蓮葉漏殘秋雨後菊
花香澹夜禪初郵亭莫笑奔趨數也是雲堂一
宿餘

李先輩長蘅

鎖院文章京雒塵篝燈每共話酸辛青袍奉母
誰如子席帽趨時自有人精舍緇經招淨侶晴
窻鬪墨趨閒身明年相約桃花水一笑清溪整
角中

王僉事淑士

吳趨車馬競逐喧中有幽人獨寤言紅藥授書

懷北郭葉水心居葑門青燈讀易想南園南園元儒

寓與二公故居相近齋心梵夾時緇閱抱膝

長編自討論安得丹鉛從所好與君風雪閉重

門淑士懷長蘅詩云彷彿

文狀元文起

蕭然襆被出都城此日班行繫重輕不是翰林

增諫草誰令天子放門生堦前警鶴諳琴德

竹裏遷鶯和友聲綠浪紅欄佳麗地思君白月

炤柴荆

周吏部景文

獨鶴雞羣自寡儔三閒老屋日西頭夜抽架筴
隨兒讀晨擷園蔬享婦羞共許清通持水鏡還
期淳朴挽風流三原舊事吾能記老嫗携錢出
買油耿忠裕云與王三原隣並每夕見老嫗携數錢出買油也

鄭吉士謙止

疏草流傳重石渠身為教學在田廬百篇自可
尋師友室還堪給埽除赤壁襟期風月笛台
州醞藉畫詩書耗磨歲月多能事莫遣蕭騷鬢
髮疎

寄嚴道徹太守二首

侍帝官如謫籍初一麾况復早縣車蒲團已悟
拈花案尺素爭傳倒薤書仙館巖厓君舊築樵
陽圖籍我新疏吳門採藥應相待侯棗陽桃好
共鋤

其二

朝班點罷即仙班不出朱門亦閉關為問君平
能市隱何如長史駐人閒銀筒大藥雲嘗護石
井神丹暮自還行過華陽重迴首如今烏目是
虞山真誥稽神樞淳于斟入吳烏目山中隱居遇仙人慧車子授虹景丹經陶隱居云吳

無鳥目山蓋偶志
鳥目山是虞山也

渡河題徐州官舫二絕句

白蓮妖賊勢衝波列戍連營盡倒戈辛苦徐州
汪太守心淵能將隻手障黃河

其二

罪臣交頸寬刀鋸上有詔貫遼東經撫曰待以不死功守蒙頭

偪網羅漢法自來難置喙匈奴未滅可如何

天啓甲子六月河決彭城居民漂溺者數
萬余以季秋過之水尚與雉堞齊方議改
築悼復河之無人憂改邑之不易停車感

歎而作是詩

亂山遶淮泗合沓圍彭門徐城居其中窪如處

覆盆黃河天上來蹴踏凌崑崙睥睨不敢前紆

迴避城垣惟帝懷明德圭璧有司存嶽瀆守

嘗職馮夷聽去言不然尋文閒區區築籬藩

下楫復積薪胡能障河源今年六月初乙夜河

聲喧上天無織雲大地忽倒翻椿撞堅堞隳湖

泮后土掀魚腹恣吞噬鯨鬣爭翩反老弱實智

井襁褓褰芟根至今城頭上波浪猶汙汙麗譙

棲魚鼈樓櫓刻水痕潮汐迷昏旦日月磨精寬

卜云宜改建墨食惟高原已聞測圭景未能具
鍾畚古人重遷國詢謀及子孫徐城古如鐵南
北通舟轅面河距形勝扼險置戍屯誰與平足
定遷無乃巷議繁去歲地大震今者河橫奔天
潢溢砥柱地軸搖厚坤東師猶在野西寇時決
蹠狐狸滿四野虎豹守九閭爛羊費官爵寵鶴
多乘軒諄復布譴告天意良有存改邑與改井
瑣屑安足論我聞宋熙寧河決澶淵村老守夜
行呼河伯迴併吞魏我黃樓下十丈建旗旛吾
君神且聖側目憂元元百神咸受職河神其

敢喧小臣司紀載欲敘筆已髡願誦河復詩浩
歌達至尊

聞山東賊平喜而書驛壁代書示顧伯欽
小儀

道梗初爲行旅憂路岐頻向候人謀喜聞直北
關河信已說山東盜賊收便可脂車通上國不
須枉道過中州題詩爲報平安字濁酒知君倒
一甌

次陶給事路叔驛壁韻

攬鏡髭須非故吾匡時曾展一籌無道塗碌碌

疲牛馬林薄閒閒樂鳥鳥碧血有人埋死骨主事
萬燥杖死黑山何日罷征夫還愁巨浸連鄉邑十月
敲門吏索租

雨中過清流關

雨氣微茫積翠分旋粧行路景氤氳僧携箸笠
穿紅樹人坐籃輿度白雲古碣墮樵衝水下空
林落葉隔溪聞鄉心不耐關山笛又聽鐘聲報
夕曛

夜過磨盤嶺

積靄沉沉雨氣繁亂山行盡又黃昏深林人語
喧孤戍小院經聲出暮邨攫食饑鳥心未飽識
塗老馬足堪捫磨盤嶺下千盤路頭白經過始
斷魂

王師二十四韻

六月王師捷東方息鼓輦潢池皆赤子京觀卽
黔黎割剝緣肌盡誅求到骨齊相將持楛挺只
似把鋤犁大將兵符集中原戰馬嘶可憐禽狗
鼠還與膠鯨鯢兔已無餘窟羊偏畏觸羝偵猶
煩地穴攻亦舞衝梯賊縛加鈎索師還布蒺藜
塹溝填老弱竿槩貫嬰兒血併流爲谷屍分踏

作谿殘膏腥竈井枯馘挂棠梨處處懸人腊家
家占鬼妻虎饑俵亦泣人立豕能啼穴頸同蒿
艾剗腸見草稊旋風來凜凜哭鬼去淒淒虛市
稀烟突鄉鄰斷火雞暗行燐自炤春作齒成泥
兵候天猶慘荒郊日易低停車心悄悄不寐夜
栖栖寇滅欣彈指奴強恐噬臍天心留儆戒人
事識端倪廟算紆籌策王功費品題豐碑竝崇
廟轟轟夕陽西

題滕縣趙宰

邦清

祠堂辛酉春趙有書遺

余譚滅奴方略征播州以勤死

立馬荒祠下祠門噪晚鴉播州新裹革滕縣舊
栽花拱壁踉蹌鼠書牆詰曲蝸遺編論東略開
篋重咨嗟

新嘉驛壁和袁三小修題會稽女子詩

紅粉誰人省識真試臨青鏡已傷神還愁著眼
難分別取次先過妬婦津

其二

零落風光哀怨人銀鈎玉筯一時新可憐和墨
千行淚也作郵亭十丈塵

其三

五湖煙水興茫然塵劫何因問宿緣他日海山
尋伴侶洞天深處劈瑤牋

奉天題初祖折蘆圖
一葦飄然截衆流廓然無聖語誰酬金陵夜雨
嵩山雪白馬青絲出壽州

牧齋初學集卷第二

牧齋初學集卷第二

歸田詩集

天啓五年乙未六月丙寅

啓乙未五月奉詔削籍
舟兩月方達京口塗中街恩
詠凡得十首

破帽青衫出禁城 主恩容易許歸耕

尾還如夢穩臥牛衣得此生門外天涯遷客

橋邊風雪蹇驢情漢家中葉方全盛五

歎不平

其二

罷免休嗟白髮重軟紅塵土尚鬢髮未絃宛轉
班清廟天仗森嚴坐辟雍東觀青編時偃仰西
清黃繖日從容他年春雨犁鉏後一一軒渠詫
老農

其三

雙鬢飄蕭類轉蓬布帆無恙向江東豈知路鬼
椰榆日猶借河神舶趁風舟抵甲馬營余禱於
金龍神有反風之異
遠駕那須存老馬高飛誰與弋冥鴻江天回首
真寥廓不礙微雲綴碧空

其四

已分班聯隔鷺鴻祇應伴侶託魚蟲故書堆可
當長枕今雨軒如在短蓬數卷丹鉛還老子
兩朝朱墨付羣公余攤書舟中草開國功臣事
略時方掎擊三案議改正
光廟汗青頭白君休笑漫擬千年號史通新莽
實錄
司馬遷焉史通子

其五

世情炎冷日相交堅坐渾如看叫喚去燕來鴻
俱作客拙鳩巧鵲總營巢行藏漫欲紆三宿消
息真當玩六爻已分灰心思學道奪官何必怨
譏嘲其六

其六

塵世榮枯通與苓蜀莊祇合老沈冥麟游不省
戕胎卵龍鬪何知及螟蜒心靜六時聞刻漏眼
明五嶽見真形江天雲物清明候或有人看處
士星其五

其七

齊物粗知蒙邑書詎應戴笠羨乘車敝冠何意
彈新沐脫髮誰能戀曉梳身隱不須言放逐時
清未可廢樵漁耦耕舊有高人約帶月相看竝
荷鋤謂程孟陽也新所歌半對指魚

其八

數載奔波苦骨皮除名於我亦相宜已輸勇退
成高尚更可書空作笑資去國尚占台鼎宿用
眉山去位事視師難問玉關期高陽請入觀之
以指時相累疏求閒身贏得無餘事徙倚舡窻自咏詩
去不許

其九

單舸衝風滯楚州淮陰南下又無舟誰人解唱
公無渡對此真令我欲愁黑浪粘天排宋鷁赤
雲夾日炙吳牛頻年跨下橋邊水炤我勞勞已
白頭

其十

幾番江頭問渡時卽今真箇是歸期夕陽京口
橫漁艇細雨新豐颺酒旗林鳥自應欣宿早山
雲尚恐笑歸遲素衣莫歎緇塵化短髮依然舊
鬢絲

渡淮聞何三季穆之計賦九百二十字哭
之歸而酌酒焚諸殯宮以代表誄

今年罷官歸太歲在乙丑端陽發潞河盛夏過
界首家僮遠來迎衝炎裹糧糗山妻書一紙頗
問平安不楮尾一二行歌邪字難剖似言旬月

閒失我平生友摩娑以馬無瞪視良復有熨眼
添昏花撞胃類杵臼呼童細問之老淚迸如瀏
吾友生東海松栢出培塿少小凌輩行長成壓
儕耦譬如眉著面又若冠戴首江山胃鬱蟠蛇
龍筆蚴蟻讀書富等身賦詩捷叉手心恥章句
蠹目笑儒生鯁讀史竄豕魚注經理蝌蚪卓犖
故不羣經濟雅自負貫穿貴與前畋漁漁仲後
大事窺掌故小物識雜糅制度令甲乙職官志
誰某東南水溝洫西北旱田畝食貨紛權鹽河
渠費堰帝往往窮源本一一貫樞紐尤諳將相

略能發功利，鄙嫌疑。決毫釐，支離削駢拇。世事
供涕唾，流俗喪械。扭求志良已，奢用我挾以走。
皇皇著作庭，濟濟俊人。數引君著其間，夫亦何
慙忸。四十誤儒冠，變奇不成偶。揣摩雙鬢絲，射
策寸心嘔。面顏委塵土，文章付矇眊。轉喉已觸
諱，鞠躬亦蒙咎。雉羅罹無時，雀角獄再陪。蜀犬
爭自吠，晉葵或有暎。惇惇孤憤盈，戚戚憂生久。
一從吾黨游，磁鐵永相取。雒誦然宿火，清言酌
昔酒。寒燈吐殘花，春盤薦新韭。夜雨泊小舟，明
星坐高阜。陶陶移日夜，忽忽過卯酉。石渠滋同

異堅城互攻守，史家訂朱墨。文苑薙根莠，破愁
仗酒兵。白戰啓辯牘，角逐急追逋。歡喜快爬垢，
拍案豈好辯。絕倒呼善誘，屏風僵倦僕。鄰牆起
睡叟，伊余苦顛蒙。乘馬不知牡，以友爲鞭策。頻
年賴擊扣，傲兀喜見君。敝衣不掩肘，長風起青
蘋。高霜肅蒲柳，摧頽塌翼特。使我氣亦隄，辯博
開心蒙。堅疆剝顏厚，直諒而多聞。夫誰出君右，
去年京江別臨分。出苦口自言星星髮，不紆若
若綬室無伶玄。妾家有馮衍，婦功名今已矣。歸
與老覆釜。

君墓田在覆釜山虞山支山也見高僧傳

明發易前期豈

謂訣尊由宦海多喧逐世運值陽九憂憂上竿
魚蒙蒙喪家狗尚期與親串笑談共蔬菽斯人
今不存有酒誰鼓缶俯仰一凄斷哀歌向南斗
嗟君不遇時被褐泣瓊玖習習鳥觸籠圍圍魚
在笥孤生嘗坎壈高步忤夷醜躍馬悲生髀引
弓志中騶國論憂沸騰戎索憤踐蹂窻櫺圖九
塞藜藿念三后視天信夢夢閱人實恻恻云
胡信宿閒鬼伯坐相趣盛年顧日景壯志蔽牆
輒籌策罷東略簡編絕西狩巫陽逝不招靈璫
邈難叩高高不可論耿耿何時朽意者視不舍

無乃柩或吼彊死能爲厲前志豈云苟聞君病
彌留危坐視拱枵清明飭衣巾取豫戒朋舊室
家本逆旅兒女同敷穀逝將歸樂土相與宿春
杲從茲離怨親况乃念謨諾裝嚴辦早發夜盡
罷于擲快若辭穿絡行矣脫繩糾知幻剖膠革
觀空餉瓶甑報盡期種蓮瞋忘豈入藕荆凡無
喪存彭殤何夭壽是夢本非真一覺了不受哀
哉蠅蚋羣競此糞貉去死已醒吟嚙生猶歎于
喁斯言吾亦贅君其笑窶藪

次韻荅徐大于王謝餉參之作

自從失清河人，獲價騰貴，金繒市久絕。包茅貢不至，桓桓毛將軍，單師與虜對來，獻皮島捷數莖。遠將寄周德，方休明。楛矢在篋，筇藥物可託。諷肉食，豈知媿頃聞。柳河敗，憊憊夜不寐。綵茲包蕭歎，感彼葛藟。死憂心自煎，熬服食轉顛。頽聊以詒吾友，珍重靈草視臭味。敢差池，甘溫庶同類。佇看復舊遼，貂參滿內地。載約賡此章，共拜吾君賜。

贈星士

澆書攤飯醉，仍眠任運騰。騰騰信往緣，萬事未曾茫。然惟有死此生自斷，豈繇天宿醒。已過一千日，小駐還須五百年。更進一籌君識否，海山兜率正茫然。

依韻答江上李貫之

雀喧鳩聚亦汹汹，寂莫秋江媿臥龍。有北已知人共界，東家何意子爲恭。憂時君比張平子，埋炤吾懷阮嗣宗。席帽山頭相憶處，秋風茅屋捲三重。

投老 丙寅閏六月廿一日

投老經年掩葦門，清齋佛火自晨昏。衣裳旋覺

蟬蛸改籬落頻看木槿繁時至雄風生左角夢
迴斜日炤西垣水邊林下君知否定有高人一
笑論

惆悵詞三首

清切吳音和梵音殘經晚院影沈沈含嬌欲共
荷花語寂寂誰知不染心

其二

羅袖當風憶舞腰雙蛾不逐黛痕小瑁雲鬟霧髻
依稀在只是冰心未許描

其三

秋風偏向夜窻清一片銀河畫不成俗殺陳王
神女賦月明吹作步虛聲

步虛聲陳思王所作

蛺蝶詞四首

一庭花霧晝冥濛蛺蝶雙飛逐好風依約黃簾
還繡幙可曾飛過宋家東

其二

顛倒鴛鴦手自裁封題重疊又頻開生憎蛺蝶
非青鳥却放雕籠鸚鵡來

其三

倚盡疏窻十二闌愁腸不似帶圍寬春光殫殺

閒庭院蛺蝶雙飛也作團

其四

小院迴廊日漸西雙雙戲影共萋迷春風自愛閒花草蛺蝶何曾揀樹棲

小至夜翁孝先兄弟挈舟相邀與寇白泥飲

銀燭何煩炤豔粧十眉端合坐生光白頭未可妨歡笑紅粉猶能怨酒狂桃葉話殘人似夢鶯歌聞罷夜還霜明朝發興拌泥飲莫放愁隨一線長

寇白

雙鬢輕攏首未膏風懷約略比春濤問名欲傍香山柳得姓還從萊國桃慵倚晚粧殘畫燭愛翻新曲倚檀槽褰帷泛瑟吾能賦莫謂閒情不似陶

程將軍相如挽詞

據鞍橫海劇論兵柳市花宮任借名三矢何曾

悲老大用廉頗事一錢豈但直生平用程不識事歌姬零

落吹簾去門客淒涼乞食行至竟英雄埋骨處

白楊塞草亦蕪城

瞿五丈星卿挽詞四首

尚書神道儼儀刑閣老文章炤汗青福清少師為作墓銘

三世簪纓存舊德百年篋衍見遺經山中尚想

瞿研叟瞿例見晉書隱逸傳海虞人天上仍看

傳說星夢裡駁娑何處所良嘗知已勒新銘君嘗

夢前身為駁娑殿主

其二

少年民譽已清流晚節孤風更寡儔宦况蕭閑

如漫叟家居恭謹類恬侯畦蔬過雨親芟擷書

草篝燈重勘讎歎息斯人今不作琴簪自上釣

魚舟

其三

湖重岡複草芊眠鬱鬱西山好墓田馬鬣封塋

依丙舍兔園燈火記丁年存家笏是先朝賜誓

墓文應後世傳釣水遊丘連宰樹鄉人加敬拜

新阡

其四

衰鬢驚秋歎索居閑思朋舊轉蕭疎登朝劇喜

彈冠日投老相期汗簡餘君著皇明臣略月白

東臯頻命酒花深北郭共中車西風老淚憑誰

灑寂寞空齋畫紙書

玉川子歌題玉川子畫像玉川子江陰顧
大愚道民也深目戟髯其狀如羽人劍客
遇道士授神行法一日夜走八百里居楊
舍市去江陰六十里人試之與奔馬竝馳
玉川先至約十里許任俠喜施舍好奇服
所至兒童聚觀亦異人也

玉川子何弔詭朝游淮陰城暮宿吳門市萬迴
不足號千迴趙北燕南在脚底剉風怒生兩腋
邊蹇驢摺著巾箱裏闊衣褰高屐齒長須奴赤

脚婢白牛爲服乘駱駝背行李石猴小于拳檻
虎馴而跽儼如洪厓先生負戴共移居又如中
山老尪扶携出游戲市兒拍手羣追隨君亦蚩
蚩頗自哆今年六十五素絲披兩耳髮短心尚
長足縮踵猶跂我觀世人之行盡如馳熙熙穰
穰往來疾於矢爭名奪利死不休鍾鳴漏盡行
未已閒隨豎亥步天地忙與羲和競刻晷君今
江頭老布衣胡爲乎芒芒奔波亦如此世路苦
偏側出門不容軌孟郊顰眉阮籍哭虎豹擇人
魑魅憲擇地徐行猶恐遭顛頓盡氣狂奔何以

避棘枳我昔盛年好馳騁今縛誅茆守蓬蘽香
篆縈簾閣不開凝塵蔽榻表如委君之疾馳裹
糧重繭良已疲我方神游于徐欠伸猶未起漆
園雙蝶夢正甘華山五龍睡初美君歸來乎從
我游悔不與君折其趾圖中一隻類道者幅巾
黃縑著麻履權奇做儻悶不見安閒蕭散差可
擬披圖展玩更對君乃知畫工有深旨同牀異
夢各不知坐起問景終誰是吁嗟乎君其善識
圖中意它年爲君作傳竊比方山子

休休歌示禪人漢月

休休休咄咄咄莫問胡天與漢月多開口饒敗
闕正好拈來一筆刷君不見牧齋老人太痴絕
不事叅禪不縛律天寒霜重苦不眠兩脚凍僵
如削鐵起來開尊斟美酒煖簇熏籠煨榾柮呵
手頻偎酥粉胃齧唇屢竊鸚哥舌擁被醺酣欲
上潮倒床鼻息如雷發日高三丈夢未醒憑君
有口如何說休休休咄咄咄君家禪宗我不會
夜來燒却乾矢橛

蠟梅二首

羅浮曾見夢中身髮髯新粧改麴塵雀啁乍驚

三月露嶺南薔薇露染衣輒黃蜂歸暗簇十分

春染成宮樣宜金屋剪出花房惱玉真寂寂銅

瓶愁對汝扣門還憶縞衣人

其二

涪翁戲咏惱人香京雒居然壓眾芳風味為君

傳譜牒晶明終自恨平章蠟梅以山谷二詩盛於京雒山谷云花似

梅五出而不能晶釵頭雪色消金縷帳底春心

啓蠟房莫以黃中笑梔貌尤延之蠟梅詩梔貌寧欺我輩人狗

蠅今日遍江鄉范石湖梅譜蠟梅品最下者俗謂之狗蠅

陸仲子移贈蠟梅二株次前韻為謝

綠衣約略是前身幻出宮粧不染塵磬口半含

仍索笑檀心通體自生春禪家漫說脾為蜜仙

女休誇額點真風物羨君香閣裏攃攃撚蠟對

佳人

其二

野外垂垂鎖暗香移來庭院借君芳蜜奴破雪

催春信蠟使衝寒拆報章絳淺黃輕呈國色金

塗銅沓締花房寒梅瘦勁終難狎只合溫柔老

是鄉

再疊前韻二首

高齋依然託此身生香迥自出埃塵凌寒數朶
偏辭雪映日千房各貯春霜女換青排冷豔月
娥暈白鬪清真移根漫說吳中譜不信司花肯
借人

梅譜蠟梅經接者
花疎其品最佳

其二

閒庭小院始去生香燭暗簾開別有芳針縷寅

緣為侶伴步搖支綴見文章麴衣綽約宜當夕

黃裏依微恐退房莫道南枝成別種歲寒誰共

白雲鄉梅譜蠟梅
本非梅類

薛文饋大魚兼寄二絕句戲答

長魚發發帶冰脂想見寒江出網遲放箸驩娛
看一飽夜來風雪老漁知

其二

臥劔朝來割素髻金盤已見鱠如絲當筵置食
還三歎為憶衝波跋浪時

寒夜聞姬人語戲作

衣篝寒覆五更霜枕畔車鳴夢許長逐客并無
員外置姬人猶說侍中郎綠衣公論吾何恃紅
粉流年汝未忘漸喜花朝近生日擬裁致語慰
淒涼

丙寅除夕

寂寂田家老瓦盆
歲時兒女共寒溫
流年已餞如過客
窮鬼頻除尚款門
夜靜曙光凝竹柏
窗虛雪色泛琴樽
殘燈側畔冠中影
心跡憑誰子細論

牧齋初學集卷第三

牧齋初學集卷第四

歸田詩集下

起天啓七年
丁卯盡一年

丁卯元旦

一樽歲酒拜庭除
稚子牽衣慰屏居
奉母猶欣餐有肉
占年更喜夢維魚
釣簾欲迓新巢燕
滌硯還疏舊著書
旋了比鄰雞黍局
竝無塵事到吾廬

再用前韻

流年已過似蠲除
歲酒江南正索居
靜聽兒童喧竹馬
閒看几榻走衣魚
迎來富貴占新夢
鞭

得聰明讀舊書

迎富貴鞭聰明皆正旦

笑殺吳

儂成底事頽然一醉偃蓬廬

書破山刻石屋珙禪師語錄後

石屋虞山產初機逗天目西峯扣擊久風亭悟
因熟透網橫金鱗法海吞鮪鮓靈骨歸海外微
言著遺錄此事非等閒妙悟絕軌躅單傳歷十
載釁鼓號塗毒神劍光差差飛矢鋒鏃鏃性命
若絲懸誰與敢輕觸嗟吁數年來法門倒竿蠹
游蜂各稱王虬蟬羣聚族紛紛召聾瞽往往汗
簡牘愚人苦煮沙智者晒災木頑磚不成鏡焦

芽難種穀衰哉犬與驢豈堪龍象蹴山僧刻此
編貽我寒齋讀一讀再三嘆喟然感流俗淤泥
生妙蓮炎火見真王誰續傳燈傳一洗肉眼肉
上元夜點燈與家人小飲

小欄曲幙自周遮燕賞依然盡室譁羅袖叅差
迎畫燭玉釵旋折避銀花燈如宿鳥枝相亞人
似遊魚影互加聞道六街俱寂寞憑將一笑挽
年華

十六日雨中邀徐于諸人看燈口占代簡
曲欄陰靄意萋迷發興邀賓走尺蹠已剩宿雲

遮繡幙更添微雨作香泥花間沾濕春衣好屋
裏迴旋舞袖低著履賞燈君莫笑風光正在小
樓西

次韻徐大于王別後有憶之作

月午花深底樣愁更堪淚眼送歸舟他年結子
空悲柱前度看花尚憶劉人可意時無那死物
牽情處信知尤柳絲不斷西陵夢掛紙知君到

秀州

蘇小小墓在秀州徐凝詩只有縣前蘇小
墓亦在秀州道中

別後有憶賦七字句請收翁同作

徐于

觸忤悶腸舊置愁追憐夜壑早亡舟情牽嫩
柳曾傷李選唱新詞絕似劉投老餘痴堪自
笑爲花添瘦任人尤惟憑月落孤衾夢覓遍
虛無更九州

再和徐于前韻

萬斛風帆不載愁多情一別類沉舟生憎燕子
辭王謝錯怨桃花賺阮劉人爲風懷偏易老天
因離恨也多尤君看東海還清淺或有神芝出
祖州

柳絮詞爲徐于作六首

唱斷蘇臺楊柳枝春愁如線又如絲古歌舊恨
君休記聽取新翻柳絮辭

其二

送郎莫唱楊柳枝生憎一簇更千絲柳枝只解
縮離別柳絮隨郎無盡期

其三

白於花色軟於綿不是東風不放顛郎似春泥
儂似絮任他吹著也相連

其四

亂點新粧拂畫眉玉樓春盡倚欄時隨風乍可
沾泥死莫作浮萍逐水移

其五

高下縈迴度好春悠揚如夢又如塵風流性格
依然在爭似長條解絆人

其六

柳絮新歌續柳枝情塵如浪淚如絲沈園柳老
綿吹盡夢斷香銷向阿誰

次韻徐于傷故伎詞二首

桂華落盡影鬢凋日夕牛羊上壠多記得當年

歌此曲引聲不忍到嫦娥

桂華徐故伎名也白樂天有桂華曲

其二

豔質嬌歌宿草前清明拜掃已多年秋風舞盡
雙蝴蝶還是春來送紙錢

澤州王述文侍御罷官里居詒余書曰杜
門無事灌畦教子公爲我賦詩以發雀羅
蝶夢之意遂屬善畫者爲二圖以寄各系
五言十韻書于卷尾

雀羅

落薄休官日蕭條却掃初高軒多去跡連騎少

來車鶴蓋陰方散龍門阪遠虛陸潘槐柳在
李履綦疎賓客何勞謝蓬蒿不用鋤無媒荒徑
路有雀下堦除剝啄兒童喜嬉遊伴侶如張羅
還寂寂避網亦徐徐彈射珠堪惜飛鳴粒願餘
物情君自見莫學署門書

蝶夢

愕夢前塵外浮生一枕餘蛇鈎身入定蟬蛻息
還虛寐熟眠龍穩神閒化蝶舒良宵看栩栩清
晝想濛濛牽惹游絲竝慵騰戲慢如花明翫蕩
漾日煖影于徐颺去茶煙緩驚迴杆響疎鶯梢

酣暘後燕語欠伸初莫辨蕉隍訟何因鼠穴車
與君聊作伴昔昔願爲魚

寄澤州張吏部

光前

四十韻方聞屯留暴

給諫之計詩未悼之兼懷張藐姑甘州

前年入都門逢君戒徒御班馬鳴路岐斜日寺
門暮衝風起御溝落葉滿行路滄海忽颺塵市
朝了非故君既自免歸余亦見抵去小人無遠
慮戢身守沮洳襍襖卽田功笈箸省魚具公上
給耕桑伏臘俟牧酤屏跡徒墻面端居類穴處
痴痴鑽紙蠅兀兀蛀書蠹剝剝刑或免甕穎疾

已痼吾衰何足云終焉其殆庶聞君方樂志築
室理園圃王屋面軒窻天井負楹柱丹林被翳
蒼沁水逕迴互林巒却復迎煙靄潰還聚花藥
春榮繁燕麥冬暄布潛藏養氣志蕩滌放情懷
明月見嘯歌清風起毫素鳴鶴哀居貞漸鴻貴
儀羽三晉饒雲山中條鬱西顧秀發著眉宇屈
盤儼負護風隄絳守池覽炤王官墓參井畜氣
潤靈境神所居被褐矜懷抱登朝好修嫫掩抑
避謠詠局促事翁媪一朝謝羈紲懼夢喜得寤
游觀極俯仰天其爲君助人生皆旅人勞勞苦

寄寓功名如輕塵富貴比危露差我暴公子
車出通潞淖約藐姑人荷戈酒泉成膏火自煎
熬駟馬帶傾仆不見黑頭公策免美徒步修門
杳何期靈璫邈難訴脫髮寧戀梳截足肯適屨
有酒且當歌方時莫量雨盛壯欣樂康晚晚足
暇豫看君鷗鵬遊笑我尺鷃舉長謠匪遂歌聊
以代晤語

苦雨嘆

東南天漏何時好一月愁霖失晴昊
早濕嘗看墻壁昏繁翳不辨窻櫺曉
羲和望舒停轡御商

羊黑蜈肆鱗爪簷溜鏗旬如撞
胃點滴搗瑋欲貫腦蛟蛇蹙
抄爭平陸蛙鼃跳梁上木杪未須
沮洳愁九穀且自衰爛悲百草
今年獻歲已發春雨雪稍遲
震電早玉女忽隨滕六笑
雪師兼把雷車掉陰陽攢簇
并一時天公號令肯顛倒
占年誰與問乙巳唐誌李淳風撰乙巳紀事將占起算上元乙巳
無類乙卯唐布衣李潛用撰乙卯為箕為畢各記乙卯太和九年也
有好恒雨恒暘責非小老農
嘈嘈亦何為歸來蒸薪避行潦

寒食後雨不止書示鄰里

甲子冥冥雨淡旬愁霖高揖轉傷神今年寒食
真無火何處煙花別有春呼婦鳩還勤過我竊
脂雀亦窘如人自慙及物非吾事早餉鄰翁有
束薪

其二

從星不辯畢箕文行雨誰將點滴分近靄渾疑
平作地遠山直恐化爲雲江鄉蝦蟹還遺種海
國蛇龍敢亂羣擬上天公牋一紙老農可許綠
章聞

畫士張季挽詞

一棺寂寂掩柴菅零落貧交漬酒還俠骨千年
埋傲兀孤墳三尺起孱顏松頭月炤新封土花
裏鶯啼舊隱山粉繪不隨長夜盡數峯依約暮
雲閒

贈陸墓邵叟是僧彌之父

蓬蒿三徑少追扳中有高人善閉關作爲市南
行藥去閒從城北討春還齋時婦料供僧未畫
裏兒皴過雨山寄語道旁名利客青門原只在
人間

金壇于潤甫釀五加皮酒爲南酒之冠潤

甫與繆仲醇友善仲醇善別酒釀法蓋得

入國之仲醇今年潤甫釀成損餉而仲醇亡矣

賦四十二韻奉謝并悼仲醇

我飲不五合頗知酒中味苦愛此酒佳芳香入
夢寐頻年再出山衰遲受顛躓不獨戀官爵兼
亦爲酒累自從歸田來道遠苦莫致吳酒負虛
名往往煩餉饋餽糟與啜醅委頓非吾志惡酒
如惡客其性悍而鷙撐腸芒角起薄喉爐炭熾
甜酒如小人其性柔且遲口吻滋囁嚅關高長
脂膩我性與之違何能強周比入盞先皺眉沾

唇已蜚鼻方當困幽憂况復苦陰曠無帚孰堪
愁有釣不除睡朝來送酒人遠自金壇至未暇
潔尊壘先呼擊泥埴黃柑洞庭春雲露石湖貴
猶嫌金醴薄不羨松花細肅如見君子寒清沁
心肺藹如近美人光風汎腸胃雲陰解翳駁鶯
花見明媚暄如踏春陽冷如坐月地頭風愈眩
運末疾起重腿螟蛉息嘲啁雷霆斷驚悸丁寧
戒室人此物吾所嗜升合謹斟酌朝夕手封閉
頻煩看甕面促數滌飲器不畏大戶嗤但恐後
車匱中年多哀樂昔遊盡顛顛我友繆仲醇別

酒號渠帥生平家人產強半營酒事勁正本式
法清濁剖涇渭酒家有南董此翁庶無愧一朝
歸黃壤酒鎗閉空筭盈尊不能飲墳土空復漬
感君餉我酒知君有深意安用聖人爲飲此盡
日醉我醉亦易醒君酒難再乞流涎忍口饒信
筆作詩戲羨彼公孫朝封麴成委積從君賃酒
城願爲此中隸

金壇酒垂盡而孟陽方至小飲作

佳醞那能不共持開尊欲酌便相思曹公自解
沉吟意陶令偏憐顧影詩杯盡政如春去急壺
傾可柰客來遲一觴莫笑頻相勸無酒明朝更
懇誰

顧炳秀才遺書索飲有醉吐丞相車茵之
語作七字句報之

糟丘且莫歎沉淪漢世君看尚酒人已見相公
呼後舍更聞馭吏歐車茵無多酌我終須醉時
一中之頗近真却笑楊雄老投閣鴟夷瓶井向
誰論

與顧秀才飲酒作

無花頗恨司去花神有酒偏宜衝酒人但看當

筵浮大白何愁後閤走窮賓桑閒布穀催耕急
樹上提壺勸飲頻我老君貧何所作商量同占
醉鄉民

以頂骨飲器勸酒次秀才韻

風雨闌珊春暮時銜盃莫問夜何其酒旗已分
臨天駟飲器休辭倒月氏新廟還應祀儀狄後
車定合置鴟夷中山醉死真堪羨千日無勞問
醒期

短歌答博羅韓孟郁博士

昔年留君醉燕市東方兵起君歸里今年君官

南橋門我已久禡頭上巾人生相知苦難見何
異秋鴻與社燕感君寄我長句詩懷袖殷勤置
君扇東華茫茫舊塵土我已無夢君何詡花磚
日午啼邨雞鈴索蕭閒睡鸚鵡與君俱已鬢如
絲可憶青山有宿期廣文雖冷官猶在吳市相
尋定幾時孟郁丁未落第和余詩云
異時倘相尋或在吳門市
文三啓美次余除夕元旦詩韻見寄疊韻

奉荅兼簡文起狀元

奇石名花錯盞盆清言竟日寡寒溫停雲家世
紅欄里邀笛風流白下門芳草閒庭新度曲桐

華小院別開尊廿年游跡如前夢每向空齋屈指論

其二

信美芝蘭接砌除依然布褐共閒居霧深欲隱
南山豹風積能搏北溟魚陸氏有文嘗互評謝
家無夢不堪書對床風雨聽蕭瑟珍重衡山舊
草廬

代鶴答

軒墀曾是誤恩來野性終期碧海隈承日自憐
丹頂在梳風未忍素翎摧長鳴半夜知誰和靜

立閑庭恥受媒惆悵王京稀伴侶爲君三疊舞
琴臺

贈竹深堂鶴 徐子

野鶴婆娑舞竹深疎簾隱几對蕭森長鳴自
吸三危露獨立孤含萬里心未許軒墀分氣
色漫隨魚鳥看升沉可因彈射年來甚祇是
幽棲合在林

和徐子悼響閣前小松之作

新松無復倚疎籬想見亭亭偃蓋姿風過尚傳
清楚語鶴歸還認舊栖枝讖符十八終爲夢壽

到千齡亦有期猶勝不材樗與櫟空令匠石笑
支離

其二

提壺自挂石欄前每爲庭柯一悵然可是孤根
難蟄地也應造物忌參天未成鱗甲先供伐稍
出蓬蒿已被鐫回挽滄江更誰是直須雲壑臥
千年

孟陽載酒就余同飲余方失子壘前韻志

感

別後春醪憶共持多君載取慰相思豈知河朔
開尊日正是延陵喪子時醉死却輸劉白早憂
來還恨杜康遲淋漓戲墨燬前事浣壁書窻更
泥誰

三壘韻答孟陽慰余哭子作

中酒心情不自持如魔似病攪人思懵騰殘夢
花飛候寂寞空梁燕去時老覺繁霜侵鬢早愁
看明月入懷遲憑君一笑聊相共開口來朝更
向誰

亡兒後拆所築月臺悵然有作

月臺平築子城隈一日嬌兒上幾回思子不堪

頻悵望傷心無復倚崔嵬欄傾似逐風鳶去檻
拆誰牽竹馬來又恐他年雛鶴返不知城郭認
樓臺

登茅山三首

便闕虛臺已字文仙山終古屬三君秦王自改
人閒臆梁代空餘嶺上雲芝月有光期獨采松
風無價許平分積金連石遺封在笑殺紛紛蟻
子羣

其二

一入華陽隔世氛天壇真擬見茅君溪田黯黹
流殘月樓觀葱籠駐曉雲谷口樵歸纔出日洞
中碁罷又斜曛白頭未了人閒事慚愧曾探七
誥文

其三

颺輪迹在大茅東逋客依然識舊宮近岫過雲
如設色遙山湧浪欲排空暮蟬乍歇千林雨秋
笛先催一葉風回首南朝塵霧裏徒聞宰相在
山中

六月二十三日元符萬寧宮爲亡兒設醮
星月空寥便闕開拜章親上步罡臺誰知玉斧

尋真去却要非熊戀世回天上噉書傳不易真

云許氏遺經皆傳塵中小兆夢還來仙山亦有

呼兒鳥莫道人閒盡可哀顧况大茅嶺東憶亡子詩云谷鳥猶呼兒

山人夕霏襟況之子非熊也見段氏酉陽雜俎

茅山懷古六首

磐石崇天壇勾金隱地肺叔申既來遊二弟亦

至止山中輕宰相人閒重長史君看神武門掛

冠復誰子

其二

新莽竊漢錄徧走媚百神刻鏤金玉鐘齋噲三

茅君斗柄難久據搥聲徒穢聞三君笑不顧騎

鶴凌白雲逆奄遣使祈福方內名山首及三茅

其三

夏馥謝漢辟徵書著桑樹及其遇鈞堂變又形老

傭雇仙籍隸方諸史傳書黨錮寄語人閒子蹙

蹙何所慕夏馥為保命府明晨侍郎保命府華陽五府之一也見真誥稽神樞

其四

隱居度世人豈昧救世局惜哉齊梁主難繫白

駒足高名託外兵微言著別錄英英嶺上雲至

今在空谷

其五

我我積金峯帶以連石鄉隱居割封邑弟子授
寵章蠻國遞相雄蟻封安可嘗煌煌十賚文千
年勒華陽

逆奄之子進爵
寧國將議封建

其六

紹述亂綱紀鼎物象播遷仙都白玉印乃在華
陽巔銅人已辭漢石鼓終入燕至寶歸上清長
得保天年

謝于昭遠寄廟後茶次東坡和錢安道韻
昔人苦作有情癡下飲不知茶與茗我今懵懂

百不解獨有啜茶能記省感君寄惠手自煎洗
杓停匙坐傾聽活火新泉沸石鈿潑觸乳花發
香性森然茶星知有無但覺芒寒與色正睡魔
迸散暑氣退松風蕭颼白日永搜腸潤吻如有
靈破悶祛煩不須猛此茶先春出顧渚宛如金
苗引石礦山崖高寒初日溫受氣中和離炎冷
輕身療病比服食醫國豈必用骨鯁我生愛茶
復愛仙近日初來積金嶺世事突兀看槍旗富
貴紛紛詫團餅長腰米飽午夢足捫腹但餘光
炯炯行買山田入陽羨更置水遞近石井東坡

老人太苦硬刺刺品茶刺貴倖我詩漫浪聊戲
耳只愁湍泉飲生癭

丁卯孟秋聞時享 太廟作

清露晨流肅羽旄上公升拜采雲高殊勳久冠
貂蟬列 聖主初辭裸獻勞 九廟神靈還陟
降千官趣走 奏 倍著蒿遺民舊日叨陪祀親見

曾孫奠黍蕭

八月十四夜艤舟虎丘與孟陽長蘅小飲
小舟如簾閣艤向虎丘涖笙歌何喧闐餘音沸
水孤吟發蚓竅闕默植憑几譬如坐禪僧飄

瞥心數起楚然空谷音忽見程與李殷勤如明
月入我船窻裏小酌無盤餐開顏且歡喜四山
歌吹罷落月汎清泚貧老羞見月 子繇詩句斯言未
爲昔月如今我羞不及故人矣歸舟對孤枕悵
悵心未已延緣葦聞音猶恐是二子

八月十五夜

歸舟信孤颿忍與明月別今夜生公石駢闐那
可說酒氣昏深池人煙冒清樾喧喧鼓吹罷清
歌如一髮歸人盡扶醉坐客但耳熱有曲誰解
賞歌者自悽咽我生好清游避此繁麗窟歸來

呼病婦舉杯共邀月忽聞小樓西高歌唱圓闕
去去勿復聽使我心斷絕

八月十七夜

今年十七夜圓月勝三五月滿不厭遲弦望自
有敘譬如繁艷花春殘始開吐又如妖冶人半
老鬪眉無我爲驗曆頭欣然命儔侶新藹繁尊
罍小摘倒筐筥酒伴期不來茫然似失伍長鬚
兩三人嘆息自相語北里考歌鍾黃金充棟宇
東鄰喧鼓吹錢刀壓倉庾主人有何樂懜騰自
豪舉病婦支空床嬌兒臥淺土文籍滿四壁饑

來不堪煮流光炤素髮吟蟲響空杼任彼明月
好豈能變愁緒僮言良可聽我興未能阻捫胃
自跳躄擊撞類曰杵天公爲解圍晴昊變風雨
依韻答徐于病中見懷

簾閣香殘正憶君新詩宛轉似迴文每憐面會
如千里未省腰圍到幾分合眼閑來推昨夢支
頤懶去看秋雲多情多病真相似搔首何辭到
日曛

彭幼朔仙翁丙寅十月化去歲盡却有手
書貽所知多言化後事蓋尸解也幼朔嘗

登高寄余詩云謾嗟魚服英雄老爛醉龍
山感慨多蓋亦功名自喜之士晚而入道
日熱者昔人言英雄回首即神仙此語蓋不誣
願則丁卯九日獨坐感嘆因續成其詩以傳于
好事者

桃實偷嘗已再過榴皮書字半銷磨尚嗟魚服

英雄老無那龍山感慨多梁父舊游還跨鹿幼

云有道人見徐元直跨青城老將去乘驪姚平

白鹿往來巴蜀山中知君不少登高伴却望人閒一醉歌

見陸務觀九日得徐于詩却寄

今辰掩戶復停觴總為登高易斷腸四海知予

惟兩鬢三年與爾共重陽黃花笑客應無數白

鴈愁人又一行同病更憐同賞在解捐黃酒助

茶香皎然九日與陸羽賞茶詩云

重陽次日徐二爾從饋饅蟹

肴具圓方雜醢熬白衣今日送衡茅肯甘重識

加餐意選擇遙憐纖手勞自笑吾家傳嗜蟹敢

言詩句補題饅小人屬厭君休謂一飽如今學

老饕

天啓七年九月九日聞 大行皇帝遺詔

二首

風悲霜慘集茲辰旅鴈南來報計真萬國心傷
馮几詔三年腸斷屬車塵身為馬角生來客夢
作龍胡墜下人欲臨國哀何處所市南扶杖問
遺民東坡聞元祐太后升遐吏以罪人不許成
服余雖除名猶為平人遂從者老後哭臨
亦亡于禮也

其二

豐芑深懷 皇祖仁艱危誓欲副貽孫兩年書

命塵東閣

天啓元二
承乏內制

三月官銜忝北門

乙丑春
兼學士

至五月
而罷

一出承明占國論得歸茅屋賴君恩

殺身自此知無地泣盡三聲向嶺猿

九月二十六日恭聞登極恩詔有述

三載先朝版藉民 詔恩重許從儒紳沐猴

自笑冠非我廐馬應慙頽似人

柳子厚起廢答
有病頽之馬

革解帶圍多漫漶蟬辭衣篋尚逡巡影娥川水
清如許偏炤東歸舊角巾

其二

衰殘不稱掛金章且作斑斕拜北堂旋取朝衣
來典庫還如舞袖去登塲聊將野鶴為雞伴寧
許沙鷗入鷺行只合鄉人推祭酒蒸豚簫鼓賽

畊桑

徐大于王聞 詔枉詩見賀奉答二首

彈冠何敢附清流擊壤欣為野老儔屈指浮名
真泛泛驚心靈夢尚悠悠朝家求舊存芻狗人
世更新學土牛見說臯夔滿臺閣祇應留我作
巢由

其二

安穩磯頭舊釣緝 主恩深處是沉淪敢言身

退如迂叟却喜人呼作老民 陸務觀自署 襪

久裁春後服畫圖時墊雨中巾騎驢倒墮君休

笑不聖世今真作幸人

丁卯十月書事四首

道塗好語沸兒童扶杖謹呼我亦同斗柄已聞

歸 聖主冰山何事倚羣公阿璫總曳尚書履

頌敝還乘御史驄勇退史應書阿母拜章先出

掖庭中 事並見天啓 七年邸報

其二

絲綸閣下競津塗楊李 新都 茶陵 諸公不可呼夏屋

棟應書梓匠明堂稅亦畫侏儒羹調衆口須兼

味船急中流仗一壺共道微垣新氣象天樞旁

看四星無

於時果有四相

其三

秋窻晴日影遲遲
午夢初醒黍罷炊
獨對空枰嘗斂手
每臨殘局更談碁
霜清狡兔爭營窟
月白驚烏盡揀枝
一著雖低差較穩
且依旁角守茅茨

其四

黃門北寺獄頻仍
錄牒刊章取次徵
死後故應來大鳥
生時豈合點青蠅
蒼茫野哭憂邦國
寂寞家居念友朋
薄祿不堪重拭淚
清齋勤禮佛

前燈

羣狐行

一狐縊死鎖琅璫
一狐縊死懸屋梁
羣狐作孽兩狐當
公然擲揄立道旁
昔日羣狐假狐勢
一狐爲宰一狐帝
一朝狐敗羣狐跳
殺狐烹狐卽爾曹
兩狐就縊皆號咷
狐不生狐乃生梟
狐已死梟尚肆捕
梟作羹亦容易
羣狐羣狐莫嬉戲
夜半睽忽雷火至

舟師歎

千舟百舟若鱗次
大艚小艚如櫛比
舟師夢寐

呼水至愕起依然閣平地黃旗夙昔凌長風布
帆滿張百石弓攤錢白浪笑舉酒胡乃束手稱
技窮我坐船艙自悶默眼看寸進還退尺潮平
風正尚無期橫飛直下何繇得君不見午潮已
落暮潮催九日詩頭未是遲長年自辦乘風具
捩柁開船會有時

牧齋初學集卷第四

